





22.6513
6162.673
57



Kodak Color Control Patches




盱眙縣志彙卷十四

祥禳

舊志紀災祥謂春秋所書水旱螽螟雨霜星隕之異謹天變恤民隱君子以為有懼心焉盱眙匯淮湖眾流自沈菑滲漉以來五行之乖沴多矣茲特循而賡之又加詳焉瓠子不塞二瀆並流事有先幾謹著其始

漢武帝元光三年夏河決濮陽瓠子注鉅野通淮泗汎郡十六資治通鑑 胡注決河之水由鉅野以入泗水由泗水以入淮也 通鑑輯覽注此黃河通淮

之始
魏明帝景初元年九月徐州大水資治通鑑 胡注徐州統彭城下邳東海



琅邪廣陵臨淮

晉武帝泰始四年九月徐州大水資治通鑑

武帝咸寧元年九月徐州大水晉書五行志

咸寧三年十月青徐兗豫荆益梁七州大水晉書五行志

武帝太康二年二月庚申淮南地震宋書五行志

太康五年秋淮南平原霖雨暴水霜傷秋稼晉書五行志

太康六年十二月甲申朔淮南郡震雹宋書五行志

惠帝元康五年五月潁州淮南大水宋書五行志

惠帝永寧元年自夏及秋青徐幽并四州旱晉書五行志

惠帝太安元年七月徐州水宋書五行志

元帝大興元年七月東海彭城下邳臨淮四郡蝗蟲害

禾豆宋書五行志

大興二年五月淮陵臨淮淮南安豐廬江諸郡蝗食秋

麥宋書五行志

元帝永昌元年淮泗民訛言蟲食人按宋書五行志永昌元年大將軍王

敦下據姑孰百姓訛言行蟲病食人大孔數日入腹入

腹則死治之有方當得白犬膽以為藥自淮泗遂及京

都數日之間百姓驚擾人人皆自云已得蟲病又云始

在外時當燒鐵以灼之於是翕然被燒灼者十七八矣

而白犬暴貴至相請奪其價十倍或有自云能行燒鐵

者賃灼百姓日得五六萬億而後已四五日漸靜說曰夫裸蟲人類而人為之主今云蟲食人言本同臭類而相殘賊也自下而上明其逆也必入腹者言害由中不由外也犬有守禦之性白者金色而膽用武之主也帝王之運五霸會於戊戌主用兵金者晉行火燒鐵以治

疾者言必去其類而來火與金合德共治蟲害也案中
興之際大將軍本以腹心受伊呂之任而元帝末年遂
攻京邑明帝諒闇又有異謀是以下逆上腹心內爛也
及錢鳳沈充等逆兵四合而為王師所挫踰月而不能
濟北中郎將劉遐及淮陵內史蘇峻奉淮泗之眾以救
朝廷故其謠言首作於淮泗也朝廷卒以弱制強罪人
授首是用白犬
膽可救之效也

孝武帝太元十九年荆徐大水傷秋稼 晉書五行志

太元二十年荆徐大水 晉書五行志

安帝義熙中東陽人莫氏生女不養埋之數日於土中

啼取養遂活 晉書五行志 按宋書五行志莫氏作黃氏

宋文帝元嘉九年春京都雨雪溧陽盱眙尤甚傷牛馬

殺禽獸 宋書五行志

元嘉十九年南兗州旱 宋書五行志

元嘉二十年南兗州旱 宋書五行志

元嘉二十九年五月盱眙雨雹大如雞卵 宋書五行志

孝武帝大明四年南徐南兗州大水 宋書五行志

明帝泰始季年淮水竭 南史明僧紹傳其弟曰昔伊洛竭而夏亡河竭

而商亡三川竭而周亡夫有國必依山川 以爲固山川作變不亡何待竟如其言

齊東昏侯永元元年秋七月辛未淮水變赤如血 宋鄭樵通志

梁武帝天監六年三月春水生淮水暴長六七尺 梁書曹景宗傳

天監十四年冬寒甚淮泗盡凍梁書康絢傳

天監十二年淮堰破緣淮城戍林落十餘萬口皆漂入

海宋鄭樵通志

武帝普通元年七月己卯江淮海並溢梁書武帝紀

北齊武成帝河清三年淮水溢淹廢濟陰城宋太平寰宇記

隋煬帝大業十三年天下大旱元馬端臨文獻通考泗虹志是年大旱淮無

魚

唐太宗貞觀三年秋貝譙鄆泗沂徐濠蘇隴九州水新唐書

書五行志

貞觀八年江淮大水續通志

貞觀十年關東及淮海旁二十八州大水續通志

高宗永徽六年三月楚州大疫新唐書五行志

高宗總章元年江淮旱饑資治通鑑

中宗嗣聖九年江淮旱饑時周禁採魚蝦餓死者甚眾

通鑑輯覽

元宗天寶四載九月河南淮陽睢陽譙四郡水新唐書五行志

肅宗上元二年九月江淮大饑人相食資治通鑑

代宗大曆二年秋淮南等道州五十五水災新唐書五行志

德宗貞元六年夏淮南疫新唐書五行志

貞元八年六月淮水溢平地深七尺沒泗州城新唐書五行志

唐竇儼貞元泗州大水論夫水沴所具厥有二理一曰數二曰政天地有五德一日潤二日暎三日生四日成五曰動五德者陰陽之使也陰陽者水火之本也陰陽有常德故水火有常分奇耦收半盈虛有準謂之通正羨倍過亢極無不至謂之咎徵二者大期率有常數除之主始於淵獻水之行紀於九六凡千有七百二十有八歲為浩浩之會當是時也陰布固陽澍雨天下百水灌注漲其通川岸不受餘則旁吞原隰科坎平概則漂墊方割雖堯舜在上臯夔佐政亦不能弭其沴也過此以還則係於時政如其后辟狂妄以自率權臣冒昧以下專政不明賢不章則苦雨數至潦水積厚非陰陽之數也貞元壬申之水非數之期乃政之感也德宗之在位也啟導邪政狎暱小人裴延齡專利為心陰潛引納陸贄有其位棄其言由是明明上帝不駿其德乃降常雨害於粢盛百川沸騰壞民廬舍故其宜也王者苟能修五政崇五禮禮不瀆政不紊則五日一霏微十日一霽霖十五日一滂沱謂之時雨所以正五運之制節占象晷刻無有差爽則神農之世其驗歟呂周任泗州大水記春秋左氏傳曰天反時為災地反物為妖其於水也反利為害矣在唐堯時包山陵而浩滔天在漢

武時浮鬻桑而浸鉅野皆震蕩上心昏墊下人其故何哉天其或者警休明而表忠誠也皇唐貞元八年歲在壬申夏六月上帝作孽罰茲東土浩淼長瀾周亘千里請究其本而言之是時山泐桐柏發猥歎湧下注淮瀆平湍七丈浮壽踰濠下連滄波東風駕海潮上不落兩水相逆濺濤倒流蠹縮迴薄衝壅淮泗積陰驟雨河瀉甌建不舍晝夜至於旬時乾坤合怒雲雷為屯以水濟水吞州漂防走不及竄飛不及翔連蕘為河海礁類如魚鼈事出慮外孰能圖之開府儀同三司檢校右散騎常侍兼御史大夫泗州刺史武當郡王張公伾以其始至也聚邑老以訪故拳薪礎石以禦之其漸盛也運心術以馭事維舟編桴以載之遂連軸促櫓斂邑之惇老弱州之庫藏圖籍官府之器先寘於遠墅軍資甲楯士女馬牛遽遷於水次將健丁壯遏水之不可者任便而自安迨數日而計行矣洪波汗漫不辨涯涘驚廳鼓濤舟不得不覆巨浪崩山城不得不起崇邱如島稍稍而沒厦屋如查汎汎相繼天迴地轉混茫其中公獨與左右十數人纜舟於郡城西南隅女牆濕堵之上以向衝波之來不亦危哉公之左右失色同辭請移公曰任天子守土臣也苟有難而違之若王命何且南山隔淮于台系志景卷十一曰祥禳

幾五六里吾能往矣况是別境離局姦也雖死不為公
 於是使部內十驛遷於虹城西鄙而南旁南山而東四
 百里達維揚之路俾星郵無壅又東北直渡經下邳五
 舟往來立標樹信以虞寇賊之變公每端拱對水而訴
 日俎奉聖主明詔司牧此州以親萬姓河公何為不仁
 降此大沴亾之罪也厲聲正色阨危不撓歷數旬而水
 定又再旬而水耗自水始至及水始耗已六時矣又一
 時而復流郊境之內無不平陂郭郭之間無岸不谷尺
 椽片瓦蕩然無所有可異者惟公之路寢與內寢歸焉
 存焉豈不可浮而往抑不可顛而壞乎斯則神仰公之
 仁先庶物而遺己神賞公之忠臨大難而守節神高公
 之義動適權以成務故保其聽政養安之所旌公之善
 也昔召伯之理也人愛甘棠而勿翦方茲神靈扶持不
 亦遠乎公乃捨車而徒棄輶而泥弔亡恤存綏復軍郡
 遠軫聖慮詔左庶子姚公弔而振之至於修府署建城
 池詔有司計功而償緡立廛市造井屋公申勸科程以
 貫以貸纔踰年而城邑復常矣其餘縮板為垣樹柳為
 麗端衢四達廨宇雙峙雙闕雲聳瓊臺中天即公之新
 惠也天災流行何代無之逢昏即盛遇賢即退故劉昆
 反風而火滅王尊臨河而水止蓋忠誠之至也公嘗領
 羸兵守孤城以百當萬俾國家全山東之地名載青史
 公即國之長城也今以一葦之航絀於危堞之上以當
 漲海之勢城頽而一塊不傾水止而所濟獲全公即國
 之貞臣也固知明主之委任於公也皆感而通焉周任
 不敏學於舊史氏借古人以諭公或曰未同年矣謹述
 而記之時貞元十三年歲在丁
 丑清和之月載生魄勒於石

順宗永貞元年秋江浙淮南等州二十六旱 新唐書 五行志

憲宗元和三年淮南旱 新唐書 五行志

元和四年秋淮南旱 新唐書 五行志

元和五年夏淮南等州螟蝗害稼 新唐書 五行志

元和九年淮南大水害稼 新唐書 五行志

元和十三年六月辛未淮水溢 新唐書 五行志

敬宗寶曆元年秋淮南旱新唐書五行志

文宗太和四年夏淮南大水害稼新唐書五行志

太和七年秋揚楚舒廬壽滁和宣等州大水新唐書五行志

太和八年江淮及陝華等州旱新唐書五行志

文宗開成二年三月壬申有大魚長六丈自海入淮至

濠州招義民殺之新唐書五行志

宣宗大中六年十一月淮南饑新唐書宣宗本紀

大中九年淮南饑新唐書五行志

大中十二年八月徐泗等州水深五丈漂沒數萬家新唐書

書五行志 資治通鑑是年淮南大水

懿宗咸通元年七月許汝徐泗等州大水傷稼新唐書五行志

咸通二年秋淮南河南不雨至於明年六月新唐書五行志

咸通三年夏淮南饑六月淮南蝗新唐書五行志

咸通四年泗州水續通志

咸通七年夏江淮大水續通志

咸通八年泗州下邳兩湯殺烏雀水沸於火可以殺物

近火沴也新唐書五行志

咸通九年江淮旱蝗資治通鑑

僖宗中和三年汴水入於淮水鬪壞船數艘新唐書五行志

僖宗光啟二年淮南饑舊唐書高駢傳 新唐書時溥傳自光啟至大順六七年間汴

軍四集徐泗蔡三郡民無耕
十一月淮南陰晦雨雪至
稼頻歲水災人喪十六七

明年二月不解新唐書
五行志

昭宗大順二年春淮南饑大疫死者十三四新唐書
五行志

南唐李璟保大九年三月淮南饑陸游南唐書
元宗本紀

保大十一年七月唐大旱井泉涸淮水可涉通鑑輯覽
南唐書

保大中自六月至
冬不雨長淮可涉

後周世宗顯德中淮水漲溢宋史趙贊傳

顯德六年濠州楚州和州壽州饑冊府元龜

宋太祖乾德四年泗州淮水溢宋史五行志

太祖開寶七年四月泗州淮水暴漲入城壞民舍五百

家宋史五行志六月己亥淮水溢入泗州城壞民居宋史太祖本紀

太宗太平興國三年六月泗州淮漲入南城汴水又漲

一丈塞州北門宋史五行志

太平興國七年秋七月淮水溢宋史太祖本紀

太平興國九年七月泗州蠓蟲食桑宋書五行志
太平興國僅八年按

其明年改元雍熙

太宗淳化二年七月泗州招信縣大雨山河漲漂沒民

田廬舍死者二十一人宋史五行志

淳化五年秋泗州雨水害稼淮南民饑宋史五行志

太宗至道二年五月泗州獻瑞麥宋史五行志

真宗咸平元年江浙淮南荆湖四十六軍州旱宋史五行志

咸平四年淮水溢江南通志

咸平六年淮南水災續資治通鑑

真宗景德二年淮南饑宋史五行志

景德三年應天府汴水決南注亳州合浪宕渠東入於

淮宋史五行志

景德五年淮南饑宋史五行志

景德七年淮南饑宋史五行志

真宗大中祥符元年九月京東西河北河東江淮兩浙荆湖福建廣南路皆大稔米斗錢七八十續資治通鑑長編

大中祥符二年秋京西河東陝西江淮荆湖路鎮鎮定

益梓邛密等州言豐稔京師粟斗錢三十續資治通鑑長編

大中祥符三年淮南旱宋史真宗紀

大中祥符四年五月宿泗等州麥自生宋史真宗紀

大中祥符五年淮南饑宋史五行志

大中祥符七年六月泗州水害民田宋史五行志

大中祥符九年七月蝗飛翳空延至江淮及霜寒始斃

宋史五行志 續資治通鑑長編九年秋七月乙卯分命內臣開封府河東淮南路各三人京東京西河北路各五人與轉運使諸州通判職官按視蝗傷苗稼以聞仍許即時改種悉除其租申禁京城音樂十日又九月甲寅時以愆亢有龜山僧智悟請就開寶寺福聖塔斷左手祈雨是日雨降自秋不雨上憂形於色減膳徹樂

徧走羣望及是霑沛中外忻慶分遣官致謝於所祈處上作甘雨應祈詩近臣畢和

真宗天禧元年江淮大風吹蝗入江海或抱草木僵死

宋史五行志 續資治通鑑長編五月丙辰開封府及京東陝西江淮兩浙荆湖路百三十州軍並言二月後蝗蝻食苗詔遣使臣與本縣官吏焚捕每三五州令內臣一人提舉之六月甲申陝西江淮路並言部內蝗蝻抱草木死及大風吹入海

真宗乾興元年淮南饑 宋史五行志

仁宗天聖四年淮水溢 通志 江南

仁宗明道元年淮南饑 宋史五行志 續資治通鑑長編明道元年三月乙亥詔淮南

饑民有願隸軍而不中者聽隸下軍

明道二年淮南饑 宋史五行志

仁宗景祐元年閏六月甲子泗州淮汴溢 宋史五行志 續資治通

鑑長編甲戌賜知泗州都官員外郎張夏敕書獎諭時雨彌月不止淮汴溢

景祐四年淮南旱蝗 宋史五行志

仁宗寶元四年淮南旱蝗 宋史五行志

仁宗慶厯四年三月遣內侍兩浙淮南江南祠廟祈雨

宋史五行志

仁宗嘉祐二年七月淮水自夏秋暴漲環浸泗城 宋史五行志

志 續資治通鑑長編三月戊戌淮南轉運司言淮水自夏秋暴漲浸泗州城知州朱處仁通判蔡選並有固護之勞降詔有獎諭 禹貢錐指泗州南去淮一里屢遭水患宋開寶七年淮水溢入泗城歷咸平至祥符無歲不溢迨至景祐三年作外隄以備淮水高三十三丈自是水患少弭歐陽公云泗州之患莫暴於淮是也

嘉祐三年八月淮南淫雨爲災宋史五行志

嘉祐六年淮南饑七月乙酉泗州淮水溢宋史五行志

鑑長編秋七月己亥起居舍人同知諫院龔鼎臣爲淮南路體量安撫使侍御史陳經爲兩浙路體量安撫以

水災也乙酉泗州淮水溢甲辰河北京西淮南兩浙東

西並言雨水爲災八月壬戌江淮制置發運使言淮水

壞泗州城知州王璟通判張師中能協力保完之乞降

詔獎諭從之冬十月丙戌詔京東西淮南江浙荆湖南

北路比年水災盜賊仍起其令逐路安撫轉運提點刑

獄鈴轄司於控扼之地相度增置都巡檢以聞行水

金鑑嘉祐三年既作外隄猶不足以禦患可見淮水之暴

嘉祐八年淮浙饑宋史五行志

英宗治平元年濠泗等州大水宋史五行志

神宗熙寧六年淮南饑續通志

熙寧七年自春及夏淮南諸路久旱九月復旱宋史五行志

熙寧八年淮南等路旱饑宋史五行志

長編六月壬子詔淮南兩浙

江南荆湖路轉運司具旱災州軍以聞秋七月癸未詔

淮南兩浙等路旱災遣官禱南嶽諸祠載祀典者仍委

長吏精虔致祭

神宗元豐四年五月淮水泛漲宋史五行志

麟玉海是年命發運副

使史公弼修泗州洪澤湖

哲宗元祐八年淮南路水宋史五行志

徽宗崇寧元年淮南路蝗宋史五行志

崇寧三年大旱飛蝗蔽日康熙志

崇寧四年旱蝗康熙志

祥祿

徽宗大觀二年淮南諸路大旱自六月不雨至於十月
宋史五行志

徽宗政和元年淮南旱
宋史五行志

徽宗重和元年夏江淮大水民流移溺死者眾發運使
任諒坐不奏泗州壞官民廬舍等物勒停
宋史五行志

徽宗宣和元年秋淮南旱
宋史五行志

宣和五年淮南饑
續資治通鑑

高宗建炎二年淮甸旱蝗
宋史五行志 繫年錄六月丁丑命京畿淮甸捕蝗

高宗紹興元年淮南民流常州平江府者多殍死
宋史五行志

乾隆志是年
盱眙旱饑

紹興二年淮甸水
乾隆志

紹興七年八月諸路大旱江湖淮浙被害甚廣
繫年錄

紹興十一年淮南饑
宋史五行志

紹興十二年秋淮東旱
宋史五行志

紹興十八年江淮郡國多饑
宋史五行志

紹興二十二年淮甸水
宋史五行志

紹興二十七年淮南水
乾隆志

紹興二十八年江東淮南數郡水
宋史五行志

紹興二十九年七月盱眙軍楚州金界三十里蝗為風
所墮風止復飛還淮北
宋史五行志 繫年錄是年秋七月壬午朔淮東安撫司言北

邊蝗蟲為風所吹有至盱眙軍楚州境上者然不食稼
比復飛過淮北皆已淨盡癸未上謂大臣曰此事甚異
可以為喜仰見上天垂佑之意陳康伯曰載籍所傳蓋
未之有皆由聖德所感鄰境聞之當自懾伏上曰然使
其聞之必不
敢妄作矣

紹興三十二年春淮水溢中有赤氣如凝血按江南通志載此事

在紹興四月淮溢數百里漂民田廬死者甚眾繫年錄是年四

月江淮蠶麥大稔六月江東淮南北郡縣蝗飛入湖州境聲如

風雨自癸巳至於七月丙申徧於畿縣宋史五行志

孝宗隆興元年泗州盱眙軍大饑宋史五行志六月兩淮被

水續資治通鑑淮民流徙江南者數十萬宋史五行志

隆興二年冬淮甸大雨水流民二三十萬避亂江南結

草舍徧山谷暴露凍餒疫死者半僅有還者亦死宋史五行志

志

孝宗乾道三年八月淫雨江浙淮閩禾麻菽麥粟多腐

淮浙諸路多言青蟲食穀穗宋史五行志

乾道五年夏楚州盱眙軍饑秋冬不雨淮郡麥種不入

宋史五行志

乾道七年秋江東西湖南饑人食草實流徙淮甸金人

運麥於淮北岸易南岸銅鏹斗錢八千宋史五行志

孝宗淳熙二年淮東西饑盱眙軍為甚宋史五行志

淳熙三年五月淮浙積雨損禾麥淮甸饑淮北飛蝗入

楚州盱眙軍界如風雷者逾時遇大雨皆死稼不為害

宋史五行志 乾隆志是年淮甸饑蝗

淳熙四年五月甲子盱眙軍報淮北多蝗淮南卻仍歲

豐稔續資治通鑑

淳熙五年淮南江東西郡國縣旱有事於山川羣望宋史

五行志

淳熙七年淮郡皆饑宋史五行志

淳熙八年淮南北旱自七月不雨至十一月蝗食禾苗

草木皆盡行都甯國等大饑流淮甸者萬餘人宋史五行志

淳熙九年七月淮甸大蝗宋史五行志十一月淮東饑饉無

麥苗乾隆志

淳熙十年六月蝗遺種於淮浙害稼宋史五行志

淳熙十二年淮水冰斷流宋史五行志

淳熙十五年五月淮甸大雨淮水溢廬濠楚州盱眙軍

皆漂沒廬舍田稼宋史五行志

淳熙十六年七月鳳泗和州霜殺稼幾盡宋史五行志

光宗紹熙二年五月真揚通泰楚和高郵盱眙軍富順

監皆旱淮浙西東江東郡國皆饑宋史五行志

寧宗慶元元年淮浙民流行都宋史五行志

慶元三年三月淮浙郡縣疫宋史五行志

寧宗開禧元年閏月盱眙軍陰雨至於九月敗禾稼宋史五行

志

開禧二年淮東西郡國饑民聚為剽盜九月丙戌淮水

水溢淮東郡國水楚州盱眙軍為甚圯民廬害稼宋史五行

志 程史江淮薦饑死者幾半

開禧三年江浙淮郡邑水宋史五行志

寧宗嘉定元年淮民大饑食草木流於江浙者百萬人

繫年錄 夏淮甸大疫官募掩骼及二百人者度為僧宋史五行志

嘉定二年春雨淮旱饑米斗錢數千人食草木淮民割

道殣食盡發瘞皆繼之人相搯噬流於揚州者數千家

渡江者聚建康殍死日八九十人繫年錄 宋史五行志是年夏淮民流江

南者饑與暑并多疫死

嘉定八年江浙淮閩皆旱盱眙安豐軍為甚四月飛蝗

越淮而南江淮蝗食禾苗山林草木皆盡五月大燠草

木枯槁百泉皆竭江淮杯水數十錢暍死者甚眾宋史五行志

志 乾隆志是年自春不雨至於八月

嘉定十一年淮浙江東饑饉無麥苗宋史五行志

嘉定十二年冬大雪淮冰合宋史李全傳

嘉定十六年五月江浙淮荆蜀郡縣水江淮郡國皆無

麥禾宋史五行志

理宗淳祐二年五月兩淮螟蝗宋史五行志七月兩淮大水

續資治通鑑

度宗咸淳七年春二月淮浙大饑通鑑輯覽五月淮水溢按元

史阿塔海傳世祖至元九年五月淮水溢是為度宗咸淳七年也

元成宗元貞元年泗州旱元史成宗紀

成宗大德二年四月燕南山東兩淮江浙蝗元史五行志

大德三年八月淮南蝗元史五行志

大德九年八月泗州蝗元史五行志

武宗至大元年六月江淮等郡大饑元史五行志

英宗至治元年七月臨淮盱眙等縣蝗元史英宗紀

泰定帝泰定三年七月睢泗等州蝗洪澤屯田旱元史泰定紀

順帝元統元年二月兩淮旱民大饑續資治通鑑

元統二年六月淮水漲續資治通鑑

順帝至元二年淮浙旱元史五行志

至正十六年泗州瀕淮兩岸有灰黑色鼠暮夜出穴成

羣覆地食禾元史順帝紀

明太祖洪武六年六月壬午盱眙獻瑞麥薦宗廟明史太祖紀

答祿與權傳與權蒙古人洪武六年授御史盱眙民進瑞麥與權請薦宗廟帝曰以瑞麥為朕德所致朕

不敢當歸之宗廟
御史之言是也

洪武八年大河南決挾潁入淮
行水金鑑引
目遊四海記

洪武十九年四月大水
乾隆志

洪武二十六年大旱
續通志

洪武二十四年四月河決原武至壽州正陽鎮全入于

淮
通鑑
輯覽

成祖永樂元年鳳陽淮安饑
明史成祖紀
是時泗州盱眙縣並屬鳳陽府

永樂十三年鳳陽諸府旱
明史五
行志

永樂十四年七月壬寅河南開封等府十四州縣淫雨

黃河決
明太祖實錄
經懷遠縣由渦河入於淮
行水金鑑引
淮安府志

宣宗宣德八年旱饑
乾隆志

英宗正統二年鳳陽諸府四五月淮水泛漲漂民人禾

稼
明史英宗紀
泗虹志是年夏大水城東北
北隄垣崩水內注高與簷齊泗人奔盱山

正統五年夏鳳陽淮安等府蝗
明史五
行志

正統六年夏鳳陽淮安蝗五月泗水淮水溢丈餘漂廬

舍
明史五
行志

正統七年濟南青萊淮鳳徐州五月至六月霖雨傷稼

明史五
行志

正統十三年七月河決滎澤入渦口至懷遠入淮
通鑑
輯覽

代宗景泰四年鳳陽饑鳳陽八衛二三月雨雪不止傷

麥續通志

景泰五年正月山東河南兩淮大寒人畜多凍死

通鑑輯覽

七月淮安鳳陽大水

續通志

景泰七年五月六月淮安鳳陽大旱蝗

續通志

英宗天順四年夏淮水溢高至大聖寺佛座

明史河渠志

天順七年五月淮安鳳陽大雨腐二麥

明史五行志

天順十二年八月淮鳳大水

明史五行志

憲宗成化元年旱饑民死者半

乾隆志

成化四年鳳陽饑

明史五行志

成化十二年八月淮鳳俱大水

明史五行志

成化十三年九月淮水溢

續通志

成化十七年二月甲寅南京鳳陽廬州淮安揚州和州

兗州及河南州縣同日地震

續通志

成化十九年淮安鳳陽揚州三府饑

明史五行志

孝宗弘治六年大雨雪自九月至次年正月

乾隆志

弘治八年三月己酉淮鳳州縣暴風雨雹殺麥泗邳雨

雹深五寸殺麥及菜

明史五行志

弘治十六年自夏四月不雨至秋九月

乾隆志

弘治十七年淮揚廬鳳洊饑人相食且發瘞啣食之七

月鳳陽諸府大雨平地水深丈五尺

明史五行志

武宗正德元年七月鳳陽諸府大雨平地水深丈五尺

沒居民五百餘家

明史五行志

正德三年廬鳳淮揚四府饑

明史五行志

正德四年夏旱蝗飛蔽日

乾隆志

正德五年荒

乾隆志

正德七年鳳陽諸府旱

明史五行志

正德八年春正月朔大雷電雨有黑色無麥夏潦秋淮

水暴漲漂民居冬多盜水長灌過汴河與諸湖水合

乾隆志

志

正德九年廬鳳淮揚旱

續通志

正德十二年鳳陽淮安皆大水

明史五行志

正德十三年淮決漕隄灌泗州

明史河渠志

是年廬鳳揚饑

明史五行志

正德十五年淮揚廬鳳三十六州縣旱

明史五行志

世宗嘉靖元年七月淮鳳同日大風雨雹河水泛漲溺

死人畜無算

明史五行志 乾隆志是年霖雨禾菽盡爛水漲丁家巷口

嘉靖二年大祲盜賊蠡起人相食

乾隆志

嘉靖五年春霪雨至夏四月二麥淹死

乾隆志

嘉靖六年鳳陽淮安旱

明史五行志

嘉靖七年蝗大水

乾隆志

嘉靖八年廬鳳饑明史五行志

嘉靖十一年水至寶積橋乾隆志

嘉靖十四年旱蝗乾隆志

嘉靖十六年水至都憲坊乾隆志

嘉靖十七年水沒寶積橋乾隆志

嘉靖十九年河決野雞岡由渦河經亳州入淮河防一覽

嘉靖二十四年河由野雞岡決而南至泗州合淮入海

明會典春大饑夏大蝗康熙志

嘉靖二十五年蝗水沒寶積橋乾隆志

嘉靖二十九年大寒淮水凍合車馬行冰上康熙志

嘉靖三十年淮水大溢行水金鑑引淮安府志

嘉靖三十一年淮河大溢行水金鑑引淮安府志

嘉靖三十二年南畿廬鳳淮揚饑明史五行志

嘉靖三十四年淮水溢行水金鑑引淮安府志

嘉靖三十六年春有狼白晝入市屠者殺之乾隆志

嘉靖三十七年大水乾隆志

嘉靖三十八年大禱四鄉鬻男女者萬餘人乾隆志

嘉靖三十九年大水乾隆志

嘉靖四十年大水乾隆志

嘉靖四十三年大寒淮冰凍合乾隆志

嘉靖四十五年大水乾隆志

穆宗隆慶二年淮安鳳陽大旱明史五行志

隆慶三年八月庚申以洪水為患命巡撫鳳陽侍郎趙

孔昭祭大淮之神九月淮水漲溢明穆宗實錄江南通志是年高家堰大

潰淮水東趨

隆慶五年水乾隆志

隆慶六年淮黃俱溢一統志是年大水乾隆

隆慶二十三年泗水浸祖陵續通志

神宗萬曆元年淮鳳二府饑民多為盜元年至五年多

水災饑明史五行志五月十八日夜淮水暴發千里汪洋沒

室淹田瀕河民多溺死行水金鑑引淮安府志

萬曆二年七月二十四日大風雨河淮溢行水金鑑引揚州府志

一統志是年始增築高家堰

萬曆三年五月淮決高家堰黃水躡淮漸逼鳳泗明史河渠

志行水金鑑引南河全考是年河從崔鎮等口北決

淮水從高家堰東決徐邳以下至淮南北漂沒千里

又引淮安府志是年六月霖雨不止風霾大作河淮並

漲千里共成一湖居民結筏浮箔採蘆心草根以食

萬曆四年水饑乾隆志

萬曆五年閏八月淮河南徙決高寶諸湖隄明史五行志

志是年大水行水金鑑引淮郡二隄記是年漕撫王宗沐築高家堰

萬曆六年水冬大雪乾隆志

萬厯七年五月鳳陽徐州大水明史五行志 淮郡二隄記是年淮水平地高

三尺

萬厯八年雨澇淮薄泗城且至祖陵明史河渠志 秋七月大

風拔木飄屋損禾稼乾隆志

萬厯十二年大有年康熙志

萬厯十三年大有年康熙志

萬厯十四年大有年康熙志

萬厯十五年旱饑乾隆志

萬厯十六年旱饑乾隆志

萬厯十八年五月十二日以後大風雨淮水漲行水金鑑引淮

安府志

萬厯十九年九月泗州大水州治沒三尺淮水高於城

祖陵被浸明史五行志

萬厯二十年泗州大水城中水三尺患及祖陵議者或

欲開富甯湖至六合入江或欲濬周家橋入高寶諸湖

明史潘季馴傳 按富甯即富陵河渠志作阜陵亦作阜甯實即漢之富陵縣淪而為湖者詳山川洪澤湖下

萬厯二十一年水浸泗州城民半徙城墉半徙盱山乾隆志

志

萬厯二十二年鳳陽大水明史五行志 六月黃水大漲清口

沙墊阻遏淮水不能東下於是挾上源阜陵諸湖與山

溪之水暴侵祖陵泗城淹沒行水金鑑引南河全考

萬厯二十三年江北大水淮浸祖陵明史神宗紀秋大有年

乾隆志

萬厯二十五年三月癸卯泗州火燒民房四千餘間

貽火燔民房百六十餘間明史五行志淮水大漲浸及泗陵

行水金鑑引揚州府志

萬厯二十六年淮黃交泛行水金鑑引淮安府志

萬厯三十五年五月大雨電雷雨黃淮交溢田廬災行水

金鑑引清河縣志

萬厯三十九年蝗蝻遍野禾苗食盡乾隆志

萬厯四十五年大旱饑乾隆志

萬厯四十七年大旱赤地千里冬大雪平地丈餘淮河

冰合乾隆志

萬厯四十八年春夏大雨水乾隆志

熹宗天啟元年五月淫雨淮河交溢行水金鑑引清河縣志

天啟二年十二月初二日暮地動有聲乾隆志

天啟三年十二月兩京鳳陽蘇松淮揚泗滁同日地震

通鑑輯覽

天啟六年七月壬申淮揚廬鳳各府屬春夏旱蝗為災

入秋霪雨連旬明熹宗實錄

莊烈帝崇禎四年六月淮黃交漲明史十月丁未刑科

給事中常自裕上言今歲災異疊見淮泗洪水滔蕩浸

及陵寢崇禎長編 乾隆志是年大水淹沒山下三坊

崇禎五年八月癸未直隸巡按饒京疏報黃河漫漲泗

州虹縣宿遷桃源流陽贛榆山陽清河邳州睢甯鹽城

安東海州盱眙臨淮高郵興化寶應諸州縣盡為淹沒

崇禎長編

崇禎六年鳳陽惡鳥數萬兔頭雞身鼠足供饌甚肥犯

其骨立死明史五行志 明季北略載此事小異

崇禎十三年大旱蝗蝻徧野民饑以樹皮為食康熙志

崇禎十四年大疫五月十四日大風學宮門坊俱倒乾隆志

崇禎十五年八月戊申泗州水浸及陵牆崇禎長編

崇禎十六年黃河溢由渦入淮漂沒廬舍行水金鑑引鳳陽府志

國朝順治二年學宮大成殿前忽生蜀葵數千株爛漫

如錦繡是年邑人楊宏祚錢世錦李正蔚同舉於鄉康熙志

順治四年冬有虎突至縣東街入夾牆內眾禽獲之乾隆志

順治六年夏五月息縣淮水溢河南通志 康熙志 閏是年大水船行於市

于台系志卷十四 詳禮

六月初八日大雨雹乾隆志

順治九年江南旱皇朝通志

順治十年冬淮水凍合十一月十四日晚地震有聲乾隆志

志

順治十四年二月玻璃泉流忽斷邑人戚珏詩注

順治十五年冬十月大雷雨河淮交漲行水金鑑引清河縣志

順治十六年鳳陽屬水皇朝通志靈璧縣志是年歸仁隄決睢湖

諸水悉由決口入淮

康熙元年泗州屬大水乾隆志

康熙二年旱雨雹傷禾乾隆志

康熙四年水乾隆志

康熙五年河決歸仁隄水勢衝突直逼泗境續行水金鑑引泗州

舊志

康熙六年夏蝗乾隆志

康熙七年秋蝗乾隆志

康熙九年夏大水十一月大雨雪淮河凍合車馬行冰

上次年二月始解康熙志

康熙十年大旱自三月不雨至八月蝗食禾稼殆盡民

剝樹皮掘石粉食之冬大寒雨雪民多死者康熙志

康熙十一年四月麥秀兩歧有三歧四歧者五月蝗蝻

徧地不食禾稼已而蝗盡負蝻飛去康熙志

康熙十三年泗州水皇朝通志

康熙十四年鳳陽屬水皇朝通志

康熙十五年正月朔日色大赤乾隆志

康熙十七年旱蝗乾隆志

康熙十八年大旱饑飛蝗渡淮散滿民居食壁紙殆盡

乾隆志十月淮水大漲泗城成澤國學宮毀焉邑人李嶠瑞詩序

康熙十九年夏秋大雨州城水深數尺民大饑乾隆志

禎居易錄盱眙李嶠瑞言康熙十九年淮水漲泗州城郭公私廬舍漂沒無算惟僧伽塔僅存

康熙二十三年秋九月大水乾隆志

康熙二十四年夏大水乾隆志

康熙二十五年夏旱蝗秋大水乾隆志

康熙二十六年秋大旱蝗饑乾隆志

康熙二十九年大水乾隆志冬酷寒竹盡稿自十月不雨

至於明年五月蝗生徧野食麥一空怪風拔木壞民廬

舍殆盡繼雨降歲豐邑人李嶠瑞詩序

康熙三十二年盱泗等州縣河流泛溢一統志春夏旱蝗

食苗秋得雨晚禾有秋冬暄百花皆放乾隆志

康熙三十三年夏麥秀兩歧乾隆志

康熙三十四年大有年乾隆志

康熙三十五春夏旱六月雨至秋七月凡五十餘日大

風民居摧倒大水沈泗州城垣蕩盡漂沒死者無數大

饑天雨五色豆民食之

乾隆志

康熙三十六年泗州大水

皇朝通志 邑人李嶠瑞過周道南前輩故居詩狂濤

入屋流原注 時淮水方漲

康熙三十七年大有年

乾隆志

邑人李嶠瑞村市觀燈詩風來東面氣和柔節候陰

晴卜有秋未至上元先落雨今年卻是打燈頭原注余鄉諺云雨打燈頭高田不求謂試燈夕得雨則後此水

足用不須求也

康熙三十八年大水五月兩雪秋山田有收

乾隆志

康熙三十九年夏旱

邑人李嶠瑞詩注

秋淮水漲冬大雪

乾隆志

居易錄庚辰七月六日夜三更後淮安洪澤湖大風雨雷電發屋拔樹時督高堰隄工大臣如吏侍王顥菴揆戶侍田景齊雲王公垂紳諸公及分修督撫諸公皆在避匿岸下土穴中質明望見空中十二龍鬪色皆青鱗鬣畢見至七夕入夜始罷

康熙四十年泗州被水

純 皇帝聖訓

康熙四十一年大有年

乾隆志

康熙四十二年旱饑

乾隆志

康熙四十三年冬雷

乾隆志

康熙四十四年秋大雨五十餘日市口水深丈餘冬雷

西南石龍岡有雲氣成五彩半日方散是歲山田有秋

乾隆志

康熙四十六年江南旱 皇朝通志

康熙四十八年夏大雨麥爛蝗遇雨俱死有秋 乾隆志

康熙四十九年旱雨雹傷稼 乾隆志

康熙五十年夏雨雹飛蝗過境不食稼冬大雪 乾隆志

康熙五十三年夏秋旱冬大雪 乾隆志

康熙五十四年大有年冬寒水凍合可行車 乾隆志

康熙五十五年秋旱 乾隆志

康熙五十六年大有年 乾隆志

康熙六十年津里集民蔡南金妻一產七子怪而棄之 乾隆志

乾隆志

康熙六十一年秋旱天鼓鳴有流星大如盃自東墜西

火光燭天冬雪凝樹枝日出不消 乾隆志

雍正元年大有年 乾隆志

雍正二年有年 乾隆志

雍正三年夏秋淮水大漲 齊蘇勒奏疏 四月初八日澗溪驟

雨平地水高二丈漂死人畜甚眾秋大旱蝗饑山出石

麩白綠二色民取食之十二月雷電雨雹 乾隆志

雍正四年四月湖水陡溢漫入窪田 范時繹奏疏 秋水飛蝗

過境不傷禾稼 乾隆志

雍正五年大水 乾隆志

雍正六年大水 乾隆志

雍正七年大雨水山出蛟漂沒田廬 乾隆志

雍正八年大有年麥秀有兩歧三歧者 乾隆志

雍正九年七月晦大風拔木水暴漲舟行市口 乾隆志

雍正十一年秋大水東南鄉有秋 乾隆志

雍正十三年旱饑高廟集民家有牛生犢身有鱗采似

麟棄之水中不沈鳴三日而斃 乾隆志

乾隆元年西鄉大義灣等九處秋水災 乾隆志

乾隆二年大有年 乾隆志

乾隆三年夏旱秋澇六畜災大水入市民饑食石麩 乾隆志

志

乾隆四年蝗秋水災 乾隆志

乾隆五年水澇冰雹損東鄉集 乾隆志

乾隆六年大水沒田廬 乾隆志

乾隆七年大水沒寶積橋民居被淹有二狼入市居民

逐至半邊山而去 乾隆志 續行水金鑑引淮安府志是年淮決高家堰

乾隆八年東鄉馬家壩等處秋旱 乾隆志 元紀旱詩 知縣郭起

郊戴星席不暖竭來淮西郡汲深慙綆短頻年天行診

茲夏仍多旱盟被向齋宮旦夕憂心瘡龍女牧未歸微

陰斂還散稍霑陌上塵尙燠邱中秬客秋振賚行冒濫

顏有颯長吏憚鉤稽括囊計誠善無術起瘡痍刻期微

絲繭三復春陵行魯山人已罕聿予志當官恫瘼一身

衍民饑即已饑監門圖敢緩西江流可注涸轍鮒斯轉

岳牧鑒子誠巽風回絕巘何事屯其膏秦越視卒瘞長
謠寄此情歲華空偃蹇原注乾隆八年夏六月盱旱無
雨齋宿虔禱士民從者千餘人既而微雨降是秋淮甸
皆有旱災因往歲濫振奉文嚴切州縣懼不敢報余為
民請命詳報十有八鎮撫卹三千餘金民無嗷饑失所
上憲鑒而嘉與焉噫是在為政者自盡其心而已故詩
之以記

乾隆九年蝗撲滅禾稼無傷

乾隆志 知縣郭起元紀

羽蟲產自昭陽湖羣蜚刺高空塵合淮楚鄉飈轉鍾離
封使星乘傳來諭令扼其鋒叫呼千夫力竭蹶百里蹤
日入不遑息晨光氣冥濛及此翅尙濡翦撲露草叢升
斗積邱山秉界炎火攻作勞予所諳奚分吏與農夫何
蝻子生蠕動畝南東去惡務淨盡捐糜復相從箕翁彼
何人貝錦萋以蒙妄稱蝻生處乃在盱野中根株見本
來讒口徒相訐江湖雖萬里天聽達四聰剝復轉瞬間
黍苗亦芘芘野有露廩白甌炊糲稔紅報賽操豚蹠蜡
臘慶年豐躋堂一樽酒快澆壘塊胸故山渺雲外夢逐
南飛鴻原注乾隆九年夏六月有蝗自昭陽湖經山陽

而來遮蔽天日適訥公同督河二憲入境目擊諭以撲
捕為急余躬率隸氓徧歷四鄉五鼓乘露翅未起撲捉
計升給錢匝月而蝗報淨未幾蝻子旋生復周流無閒
撲滅如法來安令妄報蝗生盱野羽檄頻下幸士民感
激同心協捕並未傷禾自
數載來歲始稱有年焉

乾隆十年秋水成災岡阜有年

乾隆志

乾隆十一年大水沿河淹沒七八九十分等災山田有

秋 乾隆志 邑人江潤丙寅秋七月淮漲有感詩壬戌
於今未幾年兩遭淮漲勢滔天千層雪浪搖山腹萬
頃銀濤接樹巔禾黍膏原停釣艇熙穰劇市斷
炊煙鴻哀四野無棲處又廬
宸衷議振蠲

乾隆十五年秋黃淮並漲

泗虹志

乾隆二十一年臨淮鳳陽泗州盱眙連年被水

續行水金鑑引

皇清奏議

乾隆二十六年豫省黃河楊橋漫水由渦淝入淮純

皇帝聖訓乾隆二十六年欽差侍郎裘日修奏黃水至潁毫已無甚泥濁自此達泗州入洪澤湖愈遠愈清洪澤湖可無受淤之患

上諭曰此論目前耳若久之必受害故朕督催必令速築決口者以此

乾隆四十三年十一月黃河儀封漫口由賈魯河東注

入淮續行水金鑑引河渠志稟

乾隆四十四年秋淮湖漲泗虹志

乾隆四十七年秋淮湖倒漾泗虹志

乾隆四十五年泗州盱眙鳳陽水續行水金鑑引南河成案

乾隆五十一年洪湖驟長水一丈五寸續行水金鑑引河渠紀聞

乾隆五十二年六月黃河決睢州南岸水由睢州寧陵

商邱一帶從渦淝諸河下注亳州蒙城懷遠鳳陽泗州

盱眙入淮續行水金鑑引河渠志稟

嘉慶七年河水漫溢泗虹志

嘉慶八年洪湖水漲一丈五尺續行水金鑑引南河成案續編

嘉慶十三年五月潛山發蛟水入淮壽州長水二丈餘

沿淮被淹續行水金鑑引南河成案續編

嘉慶十八年豫省睢工漫口黃水入淮續行水金鑑引南河成案續編

嘉慶十九年泗盱旱蝗省志

嘉慶二十年六月沿淮大雨正陽鎮水長二丈五尺洪

湖大漲續行水金鑑引南河成案續編

嘉慶二十四年蘭儀河決全黃入淮

續行水金鑑引南河成案續編 邑

人王蔭槐悲河決詩淮濱野人閉茅屋夜枕啾啾聞鬼哭起看淮流走溺屍洶傳隄決黃河曲蘭陽七月風怒號如山捲起黃河濤累卵之勢久所慮百丈一落波天滔蕩颺陳雷沒汝潁哀哉十萬驚魂漂我聞招信舟人女湖宿撈得兒死在空積懷中粗救誰所遺可憐尚望人收育又聞阜陽漁人晨汲水水中救得雙鬢起泣言家世本清門有兄赴試開封裏夜半洪流沒滿村蒼黃託命車箱底雖蒙拯死出波濤滔滔何處存鄉里吁嗟乎天吳肆虐民何辜我欲上排閭闔呼君不見曹滑壕邊鬪骸滿在歲賊亂民遭屠殘魂墮魄冤未散天陰頸血污模糊豫州瘡痍猶在眼那堪復此悲淪胥方今聖人憂旰食發帑屢下司農 賴保障誰能旦夕功催輸恐盡東南力日莫喧呼報急來更驚袁浦防隄驛湖波瀕洞聲震雷愁見妖星吐芒黑

道光元年大水大疫

同治志

道光六年秋洪湖盛漲啟各壩洩入海

朱緒曾 國朝金陵詩徵注

道光十一年大水大街水門口淹沒

同治志

道光十三年旱饑

同治志

道光十五年秋旱蝗

同治志

道光十六年有年

同治志

道光二十一年河決祥符入淮

南河檔冊

道光二十七年大水

同治志

道光二十九年大水

同治志

咸豐四年旱蝗

同治志

咸豐五年七月大雨經旬衝刷民房雲山山水發高至

五六尺淮水漲澗溪鎮乘船入市

同治志

咸豐六年大旱饑民食榆皮同治志

咸豐八年夏雨雹大如栝破瓦殺燕雀雉兔

咸豐九年春多鼠白晝往來梁棟間

同治元年饑無種同治志

同治三年饑同治志

同治七年七月河決滎澤入洪湖南河檔冊

光緒十三年五月初三日黎明蛟發邑之仇家集漂沒

民田廬舍無算男婦死者二十六人八月十三日夜河

決鄭州全流入淮九月水長七八尺

光緒十六年四月十四日大火燒民房數百家

光緒十七年四月初三日大火燒民房數百家五月旱

淮水淺涸去張公隄約六七里

補遺

宋徽宗建中靖國元年江淮兩浙湖南福建旱

宋史徽宗紀

盱眙縣志彙卷十五

蠲振

水旱偏災不專一邑故蠲振一邑者少前代蠲振史志所存悉据補列

國朝深仁厚澤超軼往古

聖祖六十一年間蠲振及盱眙者二十餘次省志錄或全省或一府一州凡兼盱眙者靡不備載紀皇恩書善政庶後之覽者知所感戴云

宋文帝元嘉二十八年正月丁酉索虜攻盱眙二月丙辰自盱眙奔走癸酉詔曰彫傷之民宜時振理凡遭寇

賊郡縣令還復居業封屍掩骼振贍饑流東作方始務盡勸課貸給之宜事從優厚其流寓江淮者並聽卽屬並蠲復稅調

宋書文
帝紀

元嘉二十九年正月甲午詔曰經寇六州居業未能仍

值災澇饑因薦臻可速符諸鎮優量救卹今農事行興

務盡地利若須田種隨宜給之

宋書文
帝紀

明帝泰始四年夏四月己卯復減郡縣田租之半

宋書
明帝

紀

南齊武帝永明六年閏月乙卯詔曰北兖北徐豫司青

冀八州邊接疆場民多懸罄原永明以前所逋租調

南齊

書武
帝紀

永明十一年秋七月丁巳詔曰水旱為災實傷農稼江

淮之間倉廩既虛遂草竊充斥互相侵奪依阻山湖成

此逋逃曲赦南兖兗豫司徐五州三調眾逋宿債並同

原除

南齊書
武帝紀

唐德宗貞元八年八月以天下水災命朝臣宣撫振貸

河南河北山南江淮凡四十餘州大水漂溺死者二萬

餘人

太平御覽
續通鑑長編貞元中江淮大水宰相
陸贄請遣使振卹帝曰聞所損殊少卽議優卹恐

生姦欺贄上奏曰所費者財用所收者人心
苟不失人心何憂乏用乃遣使宣撫水災

憲宗元和七年五月詔蠲淮浙租賦

通鑑
輯覽

元和中南方旱饑遣使振卹將行帝戒之曰朕宮用帛一匹皆籍其數惟調掾百姓則不計費卿輩當體此意七年又謂宰相曰卿輩屢言淮浙去歲水旱近有御史自彼還言不至爲災李絳對曰臣按淮南浙東奏狀皆云水旱人多流亡求設法招撫其意自恐朝廷罪之豈肯無災而妄言有災耶此蓋御史欲爲姦諛以悅上意耳帝曰卿言是也國以人爲本聞其有災當急救之豈可復疑之朕適者不思卿言耳命速蠲其租賦續通鑑長編

穆宗長慶二年十月詔江淮諸州旱損田苗頗多所在米價不免踴貴眷言疲療須議優矜宜委淮南等道觀

察使各於當道有水旱處取常平義倉斛斗據時估減

半價糶以惠貧民太平御覽

宣宗大中九年以旱遣使巡撫減上供饋運蠲逋租發

粟振民罷淮南宣歙浙西冬至元日常貢以代下戶租

稅唐書宣宗紀

周太祖廣順元年夏四月壬辰朔詔沿淮州縣許淮南

人就淮北糶易時淮南饑故也舊五代史周紀

世宗顯德六年淮南饑上命以米貸之或曰民貧恐不

能償上曰民猶子也安有子倒懸而父不爲解者安責

其必償也文獻通考

宋太祖建隆三年春正月淮南饑振

宋史太祖紀續通鑑長編建隆三

年正月己巳命淮南道官吏發倉廩以振饑民初戶部郎中沈義倫使吳越歸言揚泗饑民多死郡中軍儲尚餘八百萬可貸民至秋乃收新粟沮之者曰若歲薦饑將無所取償孰執其咎帝以詰義倫對曰國家以廩粟濟民自宜感召和氣立致豐稔

太宗太平興國八年夏四月壬寅泗州臨淮等縣民逋

開寶七年官所貸米麥三千八百餘石詔除之

續通鑑長編

淳化五年秋九月遣使分行宋亳陳泗潁壽鄧蔡等州

按行民田被水及種蒔不及者併蠲其租

宋史太宗紀

真宗咸平六年二月淮南水災遣使振卹貧民

宋史真宗紀

真宗景德二年淮南饑遣使振

宋史真宗紀

景德三年正月詔淮南振乏食客戶

宋史真宗紀

真宗大中祥符三年九月己亥江淮發運使李溥言今

春運米凡六百七十九萬石諸路各留三年支用淮南

留三百三十萬石外有上供五十七萬石所留以備振

糶兩浙有米百五十萬石上供外有九十一萬石備淮

南振糶甲辰內出手札示輔臣令頒下江淮南安撫使

諭以綏撫之道凡十二條

續通鑑長編

大中祥符四年五月壬寅詔淮南諸州民今年夏稅租

願納錢者竝聽從便

續通鑑長編祥符四年六月遣使安撫淮南水

災許便宜從事

十二月戊申江淮發運使邵煜言先準詔江淮

路以廩粟振貸及減價出糶者凡二十萬石續通鑑長編

大中祥符五年二月丙辰詔江淮南民以柴薪渡河津

者勿收其算五月戊辰上以淮南兩浙路稍旱即水田

不登乃遣使就福建取占城稻三萬斛分給三路令擇

民田之高仰者蒔之蓋旱稻也仍出種法付轉運使揭

榜諭民其後又取種於玉宸殿上與近臣同觀作歌畢

和又遣內侍持稻示百官於都堂續通鑑長編宋史

真宗紀五年夏五月江淮旱給占城稻種教民種之八月淮南旱減運河水

灌民田仍寬租限州縣有不能存卹者罪之冬十二月

減直鬻穀以濟流民五月丙戌令江淮南發運司留上

供米二百萬斛以備振糶令江淮南丁身鹽米錢自今

並免折科十二月乙酉令泗州出官米十萬石以振饑

民又增兵備盜續通鑑長編

大中祥符六年春正月辛丑詔倚閣廬壽和泗州所逋

去年秋稅以水災故也兩浙轉運使陳堯佐言杭潤等

州米斛錢六十蓋淮泗不稔行商販鬻致有增價乞行

禁止詔不許仍令發廩賤糶以濟貧民夏四月庚辰詔

淮南州所給饑民糜粥俟麥登乃止續通鑑長編

大中祥符七年夏四月己未賜淮南諸州民中等以上

戶秋租十之二仍許從便折納餘悉除之六月丁巳泗

州言水害民田遣使振卹十二月淮南饑除其租宋史真宗

紀

大中祥符八年二月淮南兩浙民饑丁卯遣知制誥陳知微戶部判官虞部員外郎袁成務等四人分路巡撫所至按視儲糧闕乏處規度轉給因察訪巡檢使臣能否有弛職者換易以聞乙亥詔淮南路廩粟為糜粥以濟饑民續通鑑長編

真宗天禧元年春正月甲子令淮南等路災傷州軍出榷務酒糟濟貧民赦江淮等路上供米特罷今年春運一次夏四月丙申發運使李溥言江淮去歲乏食有富民出私廩十六萬石糶施饑民續通鑑長編

天禧三年十二月辛亥淮南轉運使言宿亳等十六州軍仍歲旱其來年第三等已下民戶蠶鹽請權罷給從

續通鑑長編

天禧四年二月遣使安撫淮南饑民宋史真宗紀

天禧五年十月蠲淮浙被災民租宋史真宗紀

仁宗天聖元年正月淮南水災遣使安撫宋史仁宗紀

天聖四年四月詔淮南平穀價閏月減江淮漕米六月

淮南被水民田蠲其租宋史仁宗紀續通鑑長編天

北淮南諸路穀價翔貴而富家多蓄藏以邀厚利宜令所在平其價以濟貧民九月壬申詔京東西淮南兩浙水壞民田福建諸州軍兩廬所在存卹之

仁宗明道元年七月戊戌權免淮南災傷州軍耕牛稅

八月庚申詔淮南薦饑長吏有能撫存流亡者轉運使

具以聞宋史仁宗紀 續通鑑長編是年二月丙寅詔淮南民大饑有聚為盜者其令轉運使張億經

畫以聞三月甲午天章閣待制王駿為淮南災九月己

傷州軍體量安撫使閣門祇候王永錫副之續通鑑

丑貸淮南傷災州軍貧民種糧宋史仁宗紀 續通鑑

揚州兵部郎中王立兼淮南災傷州軍安撫使十二月

己未上封者言比詔淮南民饑有以男女僱人者官為

贖還之今民間不敢僱傭人而貧者或無以自處望聽其便從之

明道二年春正月己卯詔淮南江浙荆湖發運司比留

上供米振江淮貧民如聞流亡未已今更以百萬斛濟

之仍命翰林侍讀學士王隨入內供奉官鄧守恭入內

殿頭江從瑩乘驛督視之壬午權免淮南災傷州縣魚

果稅二月庚子詔淮南江南民被災傷而死者官為瘞

埋仍祭醑之續通鑑長編 宋史仁宗紀是年詔發運

使以上供米百萬斛振江淮饑民除民租

三月己卯赦書京東江南淮南災傷州軍逃移人戶令

歸業與免夏秋兩稅賦今已過敕限而流民不還深慮

為富室并兼而貧弱者不能自歸州縣戶口益以減耗

欲請更展限半年仍免徭賦兩料從之秋七月甲申命

范仲淹安撫江淮所至開倉廩振乏絕毀淫祀奏蠲廬

舒折役茶江東丁口鹽錢饑民有食烏昧草者擷草進

御請示六宮貴戚以戒侈心十二月甲寅詔淮南等路

明道二年以前流民去鄉里者限一年令歸業仍蠲賦役一年限滿不至者聽人請佃之

續通鑑長編

仁宗景祐元年春正月己卯詔去歲飛蝗所至遺種恐春夏滋長其令民掘蝗子每一升給菽五斗既而諸州

言得蝗種萬餘石又詔比禁京城穀出門其弛之江淮

兩浙諸路毋得閉糴貸江淮貧民種食

續通鑑長編

淮南饑

出內藏絹二十萬代民歲輸二月權減江淮漕米二百

萬石

宋史仁宗紀

仁宗慶厯四年五月戊寅詔淮南比年穀不登今春又

旱蝗其募民納粟與官以備振貸

續通鑑長編 慶厯四年三月乙丑諫官

歐陽修言臣伏見近出內庫金帛賜陝西以救饑民風聞江淮以南今春大旱至有井泉枯竭牛畜瘴死雞犬不存之處九農失業民庶嗷嗷然未聞朝廷有所存卹陛下至仁至聖憂民愛物之心靡所不致但患遠方疾苦未達天聽苟有所聞必須留意下民疾苦臣職當言昨江淮之間去年王倫蹂踐之後人戶不安生業倫賊纔滅瘡痍未復而繼以飛蝗自秋至春三時亢旱今東作已動而雨澤未霑此月不雨則終歲無望加又近年以來省司屢於南方斂率錢貨而轉運使等多方刻剝以貢羨餘江淮之民上被天災下苦盜賊內應省司之重斂外遭轉運之誅求比於他方被苦尤甚今若不加存卹將來繼以凶荒則饑民之與疲怨者相呼而起其患害不比王倫等偶然狂叛之賊也臣謂民怨已久民疲可哀因其困時宜速施惠不惟消弭盜賊之患兼可以悅其疲怨之心伏望聖慈特遣一二使臣分詣江淮名山祈禱雨澤仍下轉運使并州縣各令具逐處亢旱次第奏聞及一面多方擘畫振濟窮民無至失時以生後患丙寅遣內侍詣兩浙江淮祠廟祈雨

仁宗皇祐三年遣使安撫淮南等路饑民

宋史仁宗紀

仁宗嘉祐六年秋七月乙酉泗州言淮水溢丙戌詔淮南等路水災其令轉運使就差本路官體量蠲其賦租仍預爲振救之術無使秋冬乏食以致逃移

續通鑑長編

英宗治平元年濠泗高郵諸州軍大水遣使行視疏治

振卹蠲其租賦

宋史英宗紀

神宗熙寧六年振江淮饑

宋史神宗紀

續通鑑長編

是年九月戊申淮南東路轉運司言真揚州民逐熟於泗州見振救及兩浙提點刑獄司言潤州旱甚乞發省倉或量給度僧牒及紫衣師號救募人入粟以備振濟詔各撥常平司糧三萬石募饑民興修農田水利冬十月乙亥詔淮南東西兩浙路災復州軍當職官有弛惰不職不能存卹振救饑民者選官對移仍體量事狀以聞又丙戌賜兩浙淮南東路常平米各五萬石轉運司以振饑民十二月戊寅新權發遣淮南西路提點刑獄陳樞言熙寧五年蘇湖大稔

米價視淮南纔十之五客船販米以緣路場務收往來力勝故蘇湖之米不至淮南乞權令免納從之

熙寧七年夏四月己卯賜淮南東路轉運司上供糧五

百石

續通鑑長編

熙寧八年六月甲寅詔兩浙淮東闕雨令相度淮東役

法王古因便體量災傷當振濟州軍以聞秋七月壬午

命知制誥沈括爲淮南兩浙災傷州軍體量安撫使甲

申詔淮南兩浙轉運司相度所須出糴及新修水利斛

斗之數計會發運司截留上供穀應副以司農寺主簿

王古言奉詔體訪淮浙今歲旱蝗私稼無望民必艱食

乞豫爲備也八月丙申詔聞淮南江東兩浙路災傷州

軍米價踴貴其令發運司勘會斗錢八十以上處留上
供米毋過百萬石量減市價於民斗毋過八十壬子司
農寺言江東淮浙災傷當振糶九月丁丑詔淮南東西
兩浙江南東路共更留上供米十五萬石賜災傷州軍
冬十月辛丑詔江浙淮南災傷州軍除用常平借貸興
利外更賜上供米三十萬石振濟令體量安撫司均給
措置十二月庚戌上批淮南江浙荆湖路今歲災傷頗
甚向春艱食盜賊可虞宜下逐路轉運提點刑獄鈐轄
司體量巡檢縣尉怯懦不職者以名聞雖職事未見曠
缺而資性疲軟不任鬪捕者亦與對移監當差遣如違

原體量監司當重黜不以赦降去官原免中書言江淮
等路上供米累詔截留振救災傷欲委官疏濬廣濟河
增置漕舟依舊運京東米上供從之仍以殿中丞張士

澄都大催遣輦運公事

續通鑑
長編

熙寧九年五月辛巳詔淮南路常平司於二麥豐熟州
軍及時兌糶出散不得積留以致陳壞六月壬子詔卽
今淮甸兩浙江東西湖南北州縣仍歲旱蝗陂澤竭涸
野無青草人戶流散窮荒極敝事可憂痛方當散利薄
征緩刑弛役布德施惠以撫存保息

續通鑑
長編

熙寧十年四月丙戌詔訪聞昨水利司於淮南收糶下

小麥萬數不少卻欲出糶變錢於河北收糶封椿糧斛可契勘見在令卽今管句官計元糶價如可運致入京北都下京直猶賤卽指揮水利司并淤田司將糶到數目令逐司並津置赴京出糶丁未詔以淮南東路坊場錢五萬緡借轉運司爲今年冬衣及南郊賞賜鹽本錢以災傷故也五月癸亥淮浙饑詔出本界上供米損市價糶以活飢民發運副使盧秉言價雖賤貧者終不得米請償糶本盡以其餘振卹流民

續通鑑
長編

神宗元豐元年二月己酉淮南東路提舉司言收糶并折到斛斗除準備外所管約八百餘萬碩慮將來陳積

難以轉移况本路甚闕見錢聞京東水災乞豫令收取本錢移於淮東近便州縣或自清河運致以糧穀撥還卻於折糶本錢上聽量出息其步乘亦令管認又京東東路體量安撫黃廉言西路及徐州淮揚軍良田百餘萬頃被水退遲麥種不入秋田又失指擬乞於淮南路沿流豐熟州縣借常平錢十萬緡和糶或於去年折納糧內借十萬碩依元折價計數爲所借錢水運赴京東以備振糶聽司農寺移用詔京東淮南東路提舉官於界首會議以聞三月戊寅淮南東路提舉司請額外民戶增出役錢從下蠲減從之

續通鑑
長編

哲宗元祐元年閏二月辛亥右諫議蘇轍言訪聞淮南久旱雨全未足二麥並已枯死浙中米價雖賤而運河無水客旅不至米斗直一百七十以來民間闕食甚覺不易而所在官吏並未見振濟及奏請別作處置臣竊見頃立義倉至今已十年所聚糧斛數目甚多每遇災傷未嘗支散一粒民情深所不悅臣欲乞指揮淮南官司先將所管義倉米數隨處支與闕食人戶兼將常平米價減出賣及取問監司州縣因何並不曾申請擘畫兼乞體訪諸路如有似此闕食去處一例施行夏四月辛卯右諫議大夫孫覺言淮浙災傷米穀踊貴慮盜賊

因緣而起乞差官體量廣行振濟己丑左司諫王巖叟言訪聞淮南旱甚物價踊貴本路監司殊不留意伏望選官措置詔發運司截留上供米一十萬石比市價量減出糶與闕食人戶每戶不得過三石其糶到錢起發上京乙卯右司諫蘇轍言伏見淮南旱災民食踊貴朝廷特令截留上供米三十萬石以濟其急戊午詔淮南災傷令轉運提刑獄官諸州縣體量不俟檢覆披訴苗稅直蠲之五月壬申尙書省言元豐六年江淮等路發運司奏兌買在京封樁闕額禁軍糧米五十萬石價錢限半年上京送納今淮南災傷振濟慮有闕乏詔令淮

南轉運司相度本路如闕斛斗仰依元豐六年例七月
甲申右司諫蘇轍言臣竊見淮南春夏大旱民間乏食
流徙道路朝廷哀愍饑饉發常平義倉及截留上供米
以濟其急淮南之民上賴聖澤不至餓殍然自六月大
雨淮水汎溢泗宿亳三州大水夏田既已不收秋田亦
復蕩盡前望來年夏麥日月尙遠勢不相接深可憂慮
訪聞見今官賣米猶有未盡然必不能支持久遠臣欲
乞朝廷及今未至闕絕之際速行取問本路提舉轉運
司令具諸州災傷輕重次第見今逐州各有多少糧食
可以振濟得多少月日如將來乏絕合如何擘畫施行

立限供報所貴朝廷得以豫先處置小民不至失所十
一月壬午權發遣淮南路轉運副使趙侗言楚海泗宿
亳五州水災最甚乞下發運司於常潤州收糴稻種十
萬石以備五州來春布種或糶或貸從之十二月丙午
詔工部員外郎王古體量淮南及京東路災傷侍御史
王巖叟言臣伏觀朝旨以京東路徐州淮揚軍亦係災
傷令淮南體量官王古亦就體量振濟

續通鑑
長編

元祐二年夏四月己亥中書舍人蘇轍言臣伏見二年
以來民氣未和天意未順災沴薦至非水卽旱淮南饑
饉人至相食河北流移道路不絕京東困弊盜賊羣起

二聖遇災憂懼傾發倉廩以救其絕乏獨此三路所散已近二百萬斛矣異時振卹未見此比然而民力已困國用已竭而旱勢未止夏麥失望秋稼未立數月之後公私無繼羣盜烽起勢有必至臣未知朝廷何以待此

續通鑑
長編

元祐六年九月甲寅刑部侍郎王覲言臣竊思祥符中諸路上供之外既有三年之蓄矣天禧赦書又特罷春運一次又有以見真宗皇帝深恩遠慮不惟憫漕運之勞而亦欲東南諸路蓄積常多也今東南財用窘耗日甚郡縣鮮有兼歲之儲兩浙今歲蘇湖秀三州水災本

路轉運司及常平之物不足以充振糶近取于江淮遠糴於荆湖然後僅能蘇三州之民則無備可謂甚矣淮南去歲皆無大災傷而轉運使以軍糧急闕訴於朝廷每年冬供發運司米二十萬以充軍糧不幸有方數千里之水旱則何以爲謀臣近者備員發運使在職歲餘所領六路以上供錢糧不應期限而轉運司官吏該勘劾者凡四路非獨今歲也

續通鑑
長編

元祐八年遣使按視淮南水災

宋史哲宗紀
續通鑑
長編是年五月丁丑朔

戊寅監察御史黃慶基言朝廷仁愛斯民球患卹災使無失所之歎者在加意於振濟故此歲淮甸旱倉廩不足以給民至以上
洪綱運米賑之

徽宗重和元年夏江淮諸路大水遣使者振濟宋史五行志

徽宗宣和五年淮南饑遣官振濟續資治通鑑

高宗紹興元年春三月振淮南流民宋史高宗紀十二月丁

丑詔建炎三年以來前積欠除刑勢戶及公人外一切

蠲除續資治通鑑

紹興二年三月癸丑詔寬兩淮租稅繫年要錄

紹興七年七月甲申蠲諸路民戶紹興五年以前欠租

坊場淨利五年正月以前所負亦除之繫年要錄

紹興十三年春三月振淮南飢民仍禁遏糴秋九月蠲

淮南逋欠坊場錢及上供帛宋史高宗紀

紹興十九年正月庚子上諭大臣曰淮甸久平宜加經

理民復業者令守令多方卹之使盡力田畝數年後方

可起稅繫年要錄

紹興二十一年以兩淮民未復業者復其租十年五月

丙辰蠲楚州盱眙軍民租十年宋史高宗紀

紹興二十二年正月辛巳上諭大臣曰聞淮東被水民

多轉往淮西可令漕司振濟繫年要錄

紹興二十六年三月丁巳詔淮南邊州有未可起稅處

令漕臣保明與放十年時諸州民戶全未歸業每歲旋

乞展免起稅朝廷慮其農種不時故特蠲之八月淮南

轉運副使蔣璨奉詔保明楚州盱眙軍並免起稅十年

報可繫年要錄

紹興二十九年三月丙子詔諸路州縣紹興二十七年

以前積欠官錢三百九十七萬餘緡及四等以下戶係

官所欠皆除之繫年要錄

紹興三十年二月己卯詔滁州上供錢依濠州盱眙軍

例更展免一年上優假淮民自休兵至今未嘗起稅也

繫年要錄

孝宗隆興元年春二月振兩淮流民宋史孝宗紀六月丁丑

振江東兩淮被水貧民續資治通鑑

隆興二年振江東兩淮被水貧民宋史孝宗紀

孝宗乾道元年二月甲辰以久雨蠲兩淮災傷州縣身

丁錢絹續資治通鑑

乾道二年二月丁丑罷盱眙屯田振兩浙江東饑續資治通鑑

鑑

乾道七年七月免兩淮民戶丁錢續資治通鑑

乾道八年十二月戊戌蠲兩淮明年租賦續資治通鑑

孝宗淳熙二年九月乙酉振卹淮南水旱州縣宋史孝宗紀

淳熙三年春正月甲寅振淮東饑仍命貸貧民種二月

壬午蠲兩淮教閱民兵夏稅宋史孝宗紀

淳熙六年正月戊辰振淮東饑續資治通鑑

淳熙七年蠲兩淮州軍二稅一年宋史孝宗紀

淳熙八年兩淮等處水旱相繼發廩蠲租遣使按視民

有流入江北者命所在振業之宋史孝宗紀是年浙東常平

使者朱熹進對論荒政請蠲田賦身丁錢詔江浙淮湖

北三十八郡並免之宋史五行志

淳熙九年春正月庚寅詔江淮兩淮旱傷州縣貸民稻

種計度不足者貸以椿積錢內出正月所種春麥並秀

實堅好與八九月所種無異詔降付兩浙淮南江東西

漕臣勸民布種三月遣使淮南江浙振濟續資治通鑑

淳熙十六年十月蠲楚州高郵盱眙軍民負常平米一

萬四千餘石宋史孝宗紀

光宗紹熙四年振江淮被水貧民宋史光宗紀

寧宗慶元元年正月蠲兩淮租稅續資治通鑑

慶元二年詔淮南荒歉諸州收養遺棄小兒宋史寧宗紀

慶元四年春正月丁卯以兩浙江淮荆湘四川多流民

詔有司舉行寬卹之政續資治通鑑

寧宗嘉泰元年淮南旱振之仍蠲其賦宋史寧宗紀

嘉泰四年十一月己未朔詔兩淮荆襄諸州值荒歉奏

請不及者聽先發廩以聞續資治通鑑

寧宗開禧三年正月辛未蠲兩淮被兵諸州租賦續資治通鑑

寧宗嘉定元年八月甲午發粟三十萬石振糶江淮流

民九月壬子出安邊所錢百萬緡命江淮制置大使司

糴米振濟饑民續資治通鑑

嘉定二年八月發米十萬石振兩淮饑民宋史寧宗紀又見金石

嘉定八年夏六月詔江淮路諭民雜種麥麻有司毋收

其賦田主毋責其租秋七月蠲兩淮諸州今年秋稅宋史

寧宗紀

嘉定十六年秋九月詔江淮諸司振卹被水貧民宋史寧宗紀

紀

理宗淳祐七年五月己巳詔賜兩淮京蜀曾經戰爭之

地田稅三年其宿逋悉除之續資治通鑑

理宗寶祐二年三月戊子雪詔蠲江淮今年二稅宋史理宗紀

紀

寶祐六年冬十月辛卯都省言淮民避難渡江轉徙可

念詔鎮江府常州江陰軍各出義倉米千石振之續資治通鑑

鑑

元世祖至元二十二年九月乙亥聽民自實兩淮荒田

免稅三年元史世祖紀

至元二十六年秋七月辛巳兩淮屯田雨雹害稼蠲今年田租續資治通鑑

至元二十八年春正月辛酉免江淮貧民至元十二年至二十五年所逋田租二百九十七萬六千餘石及二十六年未輸田租十三萬石鈔千一百五十錠絲五千四百斤綿一千四百三十斤續資治通鑑

成宗元貞元年五月甲申詔自元貞元年五月以前逋欠錢糧者皆罷徵續資治通鑑

成宗大德元年八月丙寅詔郵諸郡水旱疾疫之家罷括兩淮民田續資治通鑑

大德六年三月詔今年內郡包銀俸鈔江淮以南夏稅諸路鄉邨人戶散辦門攤課程並蠲免之續資治通鑑

武宗至大元年六月辛丑以江淮大饑免今年常賦及夏稅續資治通鑑

至大二年正月免江淮夏稅又詔各處民人饑荒轉徙復業者一切逋欠並行除免仍除差稅續文獻通考

英宗至治二年夏四月洪澤屯田去年旱蝗免其租元史

紀英宗泰定帝泰定二年閏正月壬子朔詔赦天下除江淮創科包銀免被災地差稅一年續資治通鑑

泰定三年五月洪澤屯田旱免其租元史泰定帝紀

文宗至順二年八月泗州等縣去年水免今年租元史文宗紀

順帝至元元年賜天下田租之半續資治通鑑

順帝至正六年閏月乙亥詔赦天下免差稅三分水旱

之地全免續資治通鑑

至正十七年五月詔天下免今歲稅糧之半續資治通鑑

至正二十七年吳元年五月吳王以天久不雨日減膳素

食仍下令免徐宿濠泗襄陽安陸等郡稅糧三年續資治通鑑

鑑

明太祖洪武十三年五月詔免天下今年田租通鑑輯覽

成祖永樂八年春正月癸巳免去年鳳陽水災田租贖

軍民所鬻子女明史成祖紀

英宗正統十三年振鳳陽等處飢民明政統宗十一月癸丑

免鳳陽等府被災稅糧明史英宗紀

代宗景泰四年鳳陽等處大水蠲免本處稅糧明政統宗三

月鳳陽淮徐饑巡撫僉都御史振之通鑑輯覽五月丁丑發

淮安倉振鳳陽明史景帝紀明史王竑傳景泰初督漕運鳳陽淮安大水

道殢相望竑上疏奏不待報開倉振之

景泰五年正月命平江侯陳豫學士江淵撫輯山東河

南兩淮軍民 通鑑輯覽

憲宗成化七年以水災免鳳陽府泗州盱眙天長諸縣

夏稅 明政統宗

武宗正德三年振鳳陽諸府饑 明史武宗紀

世宗嘉靖二年稔氛旱飢遣侍郎席書振濟 乾隆志引萬曆李志

神宗萬曆九年江北淮鳳等府災傷動支各該州縣庫

銀食穀振濟 明通紀

萬曆二十五年泗州盱眙大火撥漕糧二萬石以振 明史

五行志

國朝順治元年冬十月甲子詔各直省起存拖欠本折

錢糧自順治元年五月初一日以未經徵收者盡行豁

免 王先謙東華錄

順治六年七月辛巳江南鳳陽滁州等屬州縣冰雹傷

稼得旨蠲卹 東華錄

順治十年十一月丙辰免江南旱災州縣額賦 東華錄

順治十一年正月戊申免江寧安徽蘇松常鎮廬鳳淮

徐滁去年被災額賦冬十月辛未免江南廬鳳淮揚四

府徐滁和三府被災額賦 東華錄

順治十二年九月癸未免安徽鳳陽被水額賦 東華錄

順治十六年鳳陽屬水全免舊欠錢糧 省志

順治十七年二月壬寅免江南淮揚鳳三府徐州去年

被水額賦東華錄

康熙元年鳳陽泗州等處被災照分數免銀有差省志

康熙二年九月免江南鳳淮揚府屬十五州縣衛旱災

額賦有差東華錄

康熙三年十一月免江南泗州湖廣沔陽浙江西安陝

西河州等四十八州縣水災額賦東華錄

康熙五年十月免安徽泗州等三州縣水災額賦東華錄

康熙七年十月免安徽泗州等八州縣水災額賦東華錄

省志是年泗州天長等州縣水災蠲免本年額賦十分之一

康熙八年蠲免康熙元二三年直隸各省地丁正項錢

糧拖欠在民不能完納者省志

康熙十年十一月免直隸霸州文安江南鳳陽河南陝

安陽等一府七十三州縣衛被災額賦東華錄 省志是年蠲免康熙

四五六各年各省丁地正項錢糧拖欠在民不能完納者

康熙十一年安徽各屬秋災發粟按籍分振省志

康熙十三年鳳陽泗州等處被災免地丁銀兩漕米鳳

米月糧米等有差省志

康熙十四年鳳陽泗州等處被災蠲銀有差省志

康熙十八年十一月癸巳命安徽巡撫徐國相親往盱

民戶縣志卷之五
三
貽滁州等五州縣振濟饑民是月免直隸江南山東湖北河南等屬旱災額賦災甚者仍發粟振之東華錄

康熙二十五年四月丙戌免江南徽州廬州鳳陽府屬

逋賦東華錄

康熙二十七年蠲免安徽所屬各郡縣二十八年應徵

地丁各項錢糧省志

康熙二十八年蠲免江南正項錢糧外再全省積年民

欠一應地丁錢糧屯糧蘆課米麥豆雜稅概與豁除省志

康熙三十年十一月甲申諭戶部湖廣江西浙江江蘇

安徽山東應輸漕米著自康熙三十一年始以次各蠲

免一年東華錄

康熙三十二年九月免安徽本年漕糧三分之一省志

康熙三十四年十二月乙巳山西陝西江南浙江江西

湖廣廣東福建等省三十二年以前逋賦亦盡蠲之東華錄

康熙三十五年十一月免安徽泗州等四州縣水災額

賦有差東華錄

康熙三十六年泗州水按分數免賦泗虹志

康熙三十七年二月免浙江宣平江南泗州上年被災

額賦是年八月免江南壽州鳳陽等十二州縣及福建

同安縣水災額賦有差十一月諭戶部淮安揚州鳳陽

比年水患頻仍百姓艱於粒食著將海州山陽二十州

縣衛明年地丁銀米漕糧盡行蠲免東華錄 省志是年十一月蠲免泗

州盱眙等州縣併被災各衛所康熙三十八年地丁銀米及漕糧等項

康熙三十八年蠲江蘇安徽巡撫所屬舊欠帶徵錢糧

及三十四五六年奏銷未完民欠一應地丁糧米豆麥

雜稅俱豁免江甯府志 皇朝通志是年泗州盱眙水按分數免賦

康熙三十九年七月免安徽泗州盱眙水災額賦東華錄

皇朝通志是年江南水泗州盱眙按分數免賦

康熙四十年五月泗州盱眙等處水蠲停額賦皇朝通志

康熙四十四年蠲停鳳陽府屬被災地方應徵地丁漕

項銀米省志 乾隆志是年水漲入市十分災知縣周振舉詳報奉文動用存倉監穀振濟饑民

康熙四十五年十月己酉諭戶部山西陝西甘肅江蘇

安徽浙江江西湖北湖南福建廣東各省自康熙四十

三年以前未完地丁銀二百一十二萬二千七百兩有

奇糧十萬五千七百石有奇著按數通行豁免或舊欠

已完在見官而見年錢糧未完足者亦准扣抵東華錄

康熙四十六年蠲免康熙四十七年江南通省人丁額

徵銀兩其本年被災安徽巡撫屬七州縣三衛應徵地

畝銀糧石俱免徵省志 乾隆志是年秋被旱十分災知縣徐發詳報奉文放振四十七年

錢糧
蠲免

康熙四十七年十月戊午詔免江南浙江明年地丁額

賦並停徵舊欠

東華錄

康熙五十年十二月免安徽六安壽州鳳陽等八州縣

衛旱災額賦有差

東華錄

康熙五十一年十月癸丑諭戶部江蘇安徽山東江西

四省除漕項外康熙五十二年應徵地畝銀共八百八

十二萬九千六百四十四兩有奇人丁銀共一百三萬

五千三百二十五兩有奇俱著察明全免其歷年舊欠

銀二百四十八萬三千八百二十八兩有奇亦併著免

徵東華錄省志是年安徽巡撫屬除漕項外五十二

並免徵地畝人丁銀俱察明全免其歷年舊欠銀亦

丁錢糧並免官地房租及歷年積欠

康熙五十三年秋旱煮粥振饑

乾隆志

康熙五十五年秋旱煮粥振饑

康熙五十六年十一月諭戶部直隸安徽江蘇浙江江

西湖廣西安甘肅等八處帶徵地丁屯衛銀二百三十

九萬八千三百八十兩有奇概免徵收其漕項雖例不

准免亦著破格施恩將安徽江蘇所屬帶徵漕項銀四

十九萬五千一百九十餘兩米麥豆一百十四萬六千

東華錄

康熙六十一年秋旱發倉穀振濟乾隆志

雍正二年六月蠲免江南全省康熙四十六年至五十

年舊欠地丁銀六十三萬三百餘兩米麥二十六萬八

千六百七十餘石省志

雍正三年十二月以太平泗州盱眙三州縣本年秋災

蠲免地丁銀三千一百餘兩米麥豆一百二十餘石仍

振濟饑民緩徵舊欠省志乾隆志是年秋旱知縣程杭煮粥振饑

雍正四年八月免泗州水災額賦有差東華錄省志是年動支庫銀

振給泗州被災民戶八月又蠲免泗州田畝銀四百四十餘兩

雍正十三年九月二十三日蠲免各省民欠錢糧十年

以上者其餘未完民欠尚係應徵者一併寬免十月豁

免江南等省漕項蘆課及學租雜稅等銀十二月初十

日免直隸江蘇安徽等省雍正十二年以前未完額徵

漕銀並江南省未完黃快丁銀及各州縣衛未完造船

等項銀兩省志乾隆志是年東鄉古河等九處秋旱知縣葉本振饑

乾隆元年西鄉大義灣等九處水災撫卹振饑乾隆志

乾隆二年正月免雍正十二年以前各省截漕應追行

糧漕贈六月免江南康熙五十二年至雍正十二年未

完民欠王先謙東華續錄省志是年因上下兩江雨澤愆期收成歉薄將雍正十三年乾隆元年分

安徽所屬未完地糧蘆課及米穀麥豆等項應分年帶徵者一併豁免

乾隆三年十月免直隸江蘇安徽被災州縣逋賦東華續錄

省志是年蠲免安徽所屬今年地丁錢糧六十萬兩乾隆志是年秋旱知縣葉本奉文振濟饑民

乾隆四年三月戊辰免直隸江蘇安徽三省額賦共二

百五十萬兩東華續錄省志是年將上江去歲歉收

免安徽本年錢糧六十萬兩並將正賦耗羨一概免

乾隆六年水災振濟乾隆志是年秋水災知縣王琮奉文振濟饑民

乾隆七年二月江南廬鳳宿州淮徐等處上年遭值水

災黎民乏食得旨振濟八月免直隸江蘇安徽福建

甘肅廣東等省雍正十三年逋賦並免江南浙江未完

雍正十三年漕項東華續錄省志是年因上江鳳穎泗三屬連年被潦民困為甚將三屬

已振貧民再借與口糧一月是年又蠲安徽所屬壽州

等二十七州縣衛地丁漕項銀十七萬八百四錢米

一千七百四十五石四斗五升內泗盱二州縣黃快丁銀

入合麥二百四十四石八升內泗盱二州縣黃快丁銀

難入民田徵收應照民丁遇災一體免徵於冊內別款

造報應免銀一十一兩五錢四分有奇均行蠲免又覆

准安徽所屬之鳳陽泗州盱眙天長等十九州縣被夏

災饑民於七月無郵被秋災饑民於八月無郵夏秋連

災者撫卹兩月被災最重之地極貧之民撫卹畢即於

九月起振卹四月次貧於十月起振三月鳳陽泗州等五

衛皆隨坐落州縣一例撫卹振濟乾隆志是年水振饑

乾隆八年壬申免安徽鳳陽等三府州屬災民帶徵銀

米東華續錄省志是年安徽省所屬上年被災之地

有蠲餘應行帶徵地丁銀米麥及隨漕銀米麥一併寬

免又覆淮安徵所屬地鳳陽等二十四州縣衛上年夏

秋大水撫卹正振加振通共給饑民饑軍暨貧生米八

十三萬一千九百八十九石九斗銀二百三十三兩八錢

予治原志彙卷十五蠲振

四分各有奇
乾隆志
是年秋旱振濟饑民

乾隆十年通蠲十一年直省應徵錢糧
省志
是年秋水災知

縣郭起元奉文振濟饑民

乾隆十一年九月丁酉 諭安徽山東各截漕糧十萬

石備振 東華續錄 省志是年覆准上下兩江地方被

被災較重之上江宿州等六州縣加振月分折價散給
每米一石加增二錢又議准上下江被災州縣例振之
外將被災次重之泗州等八州縣無論極貧次貧均加
振一月貸籽種又輪免安省地丁正賦 乾隆志是年
秋水災知縣郭起元奉文振濟饑民

乾隆十二年二月庚子 諭普免天下錢糧今歲係安

徽輪免之年該省有馬田稻租一項係歸公官田不在

蠲免之列著加恩將馬稻租息蠲免十分之三
東華續錄 省

志是年題准安徽壽宿等二十三州縣衛十一年分秋
被水災泗州學田亦被水災應徵銀米麥石一併蠲免

乾隆十五年正月免江蘇安徽山東耗羨十分之六
東華

續錄

乾隆十六年正月庚子以初次南巡免江蘇安徽元年

至十三年通賦
東華續錄

乾隆十八年十月戊戌撥江南長淮等二衛漕糧五萬

石並截留江西米十萬石於安徽備振
東華續錄

乾隆十九年 諭上下兩江被災州縣已疊次加恩前

因今年遇閏酌將上江之宿州鳳陽臨淮懷遠虹縣靈

璧泗州盱眙五河等九州縣長淮等三衛無論極貧次貧皆加振一月又覆淮安徽寧鳳潁泗滁太壽等二十五州縣衛乾隆十八年秋被水災應免地丁等銀四萬四千四十九兩米三百三十六石麥六十六石豆十一石各有奇又以泗州盱眙等州縣秋禾被水蠲免地丁銀七千八十二兩米三百四十六石七斗麥五石五斗豆十三石三斗各有奇又振貧民貧軍銀一萬八千八百六十六兩六錢有奇

省志

乾隆二十二年正月以南巡免江蘇安徽浙江二十一年以前未完民欠九月己卯撥江蘇漕米五萬石於安

徽平糶

東華續錄 省志是年又豁免江南省乾隆十年以前積欠漕項銀米以及地漕耗羨

乾隆二十六年恭逢 皇太后七旬萬壽因江南被災奉 旨改於明年二十七年恭奉 皇太后鑾輿南巡

將江蘇安徽浙江三省自乾隆二十二年起至二十六年止所有節年災田緩徵及未完地丁概予蠲免

江甯府志

乾隆二十七年全免安省地丁正賦其乾隆二十五年節年因災未完蠲剩河驛奉工等款及二十八年以前節年因災未完漕項暨因災出借籽種口糧民借備築隄堰等銀概予蠲免

省志

乾隆三十一年輪免安省漕糧

省志

乾隆三十五年輪免安省地丁正賦省志

乾隆四十三年輪免安徽正賦省志

乾隆四十五年二月免兩江所屬四十三年以前逋賦

東華續錄 省志是年全免安徽積欠災緩地丁漕項等款

乾隆四十六年江南黃水溢鳳泗等州縣禾稼受傷撥

銀截漕振之並分別加振皇朝通志

乾隆四十七年因上年安徽鳳陽泗州等屬淮睢各河

同時泛漲低田被淹屢經給振鳳陽等州縣被災七八

九分極次貧民概行加振一月省志

乾隆四十九年二月壬申免江甯蘇州安徽各屬逋賦

東華續錄 皇朝通志是年黃水溢安徽等處水災蠲租除欠

乾隆五十年五月丁丑命安徽截留漕糧五萬石於鳳

陽等處備振東華續錄 省志是年應行輪免漕糧准其改於明年蠲免

乾隆五十一年水災振濟省志

乾隆五十三年亳州蒙城泗州盱眙天長等十州縣被

災九十分貧民無論極次概行加振一月省志

乾隆五十五年正月壬午朔以 八旬萬壽頒詔天下

普免天下錢糧東華續錄 省志是年普免各省地丁正賦安省於五十六年輪免

乾隆五十七年豁免安徽省未完民欠銀一萬五千餘

兩省志

乾隆五十九年豁免安徽各州縣衛節年民欠因災帶
緩未完地丁漕項正耗並借帑等銀米麥豆省志

乾隆六十年普免各省地丁正賦省志

嘉慶元年元旦舉行歸政典禮著將嘉慶元年各直省
應完地丁錢糧通行蠲免又宿州靈璧鳳陽泗州盱眙
成災之民衛戶口分別給予振卹省志

嘉慶二年輪免安徽省錢糧省志

嘉慶四年普免各省積欠緩徵地丁耗羨及民欠籽種
口糧漕項銀兩 諭盱眙五河等處或因淮水盛漲或
因夏雨積潦低窪田畝間被淹浸所有泗州盱眙五河

等七州縣著給予振濟省志

嘉慶七年宿州靈璧泗州盱眙等處因河水漫溢多被
淹浸所有高窪田畝各成災七八九分不等照例給振

省志

嘉慶八年豁免宿州靈璧泗州盱眙五河州縣及鳳陽
泗州等三衛嘉慶二年出借災民饑軍口糧積欠未完
銀二十四萬八千三百二十五兩零再上年成災給振
之泗州及所屬之五河盱眙等縣貧民著加賞口糧一

月省志

嘉慶九年安徽鳳陽等府屬上年間被水旱秋收歉薄

業將新舊錢糧分別蠲緩成災五分之鳳陽壽泗盱眙

等八州縣賞給一月口糧並借給籽種又巢縣鳳陽泗

州盱眙五河等十二州縣被淹民衛田畝本年應徵新

舊錢糧漕米俱緩至來歲秋成後徵收省志

嘉慶十二年七月乙丑以江蘇安徽水災 命截留江

西湖南湖北漕米十萬石備糶東華續錄

嘉慶十三年安徽宿州泗州盱眙五河等十一廳州縣

及屯坐州縣之各衛實在有田無力農民按畝賞給籽

種省志

嘉慶十四年安徽潛山盱眙天長五河全椒和州等六

州縣乏食民衛戶口賞給一月口糧省志

嘉慶十五年賞給盱眙天長宿州等州縣乏食民衛戶

口一月口糧並將泗州盱眙天長三州縣及屯坐各衛

被災田畝本年應徵錢糧漕米漕項銀米津貼等項按

成災分數蠲免省志

嘉慶十六年九月乙未以河南安徽水災撥長蘆運庫

銀五十萬兩備振東華續錄 省志是年因上年安徽

分別蠲緩振郵再將泗州盱眙天長五河靈璧五州縣

及屯坐各衛軍民戶口賞給一月口糧又論本年夏

秋間安徽鳳陽泗州等屬各州縣秋成歉薄著將成災

五分之盱眙霍邱全椒三縣並勘不成災之各州縣賞

給一月口糧又盱眙霍邱全椒三縣及屯坐各衛被災

民屯田地本年應徵民衛丁地屯折等項錢糧並漕糧

漕項銀米俱著蠲免十分之一蠲剩銀米分年帶徵

嘉慶十七年十二月壬戌緩徵安徽全省積年逋賦東華

續錄省志上年安徽被水被旱之五河盱眙霍邱全椒桐城等八州縣俱賞給一月口糧

嘉慶十八年賞給宿泗盱眙天長五河五州縣乏食民

衛戶口一月口糧折色放給是年蠲鳳陽潁泗三屬丁

地起存銀六萬五千一百六十七兩四錢有奇麥三斗

九升有奇省志

嘉慶十九年八月以安徽合肥等四十州縣水旱災撥

藩庫銀二十萬兩採買米穀平糶東華續錄省志是

州盱眙五河三州縣貧民一月口糧將成災六七八九分之合肥廬江泗州盱眙五河滁州等二十二州縣並

屯坐各衛民軍各戶口照例振給是年安慶池州鳳陽泗滁和等十一府州屬被水被旱蠲免地丁起存等銀

一十二萬四千六百一十二兩九錢有奇米三千五百三十二石九斗三升有奇麥三百五十一石四斗二升

有奇豆六百二十三石八斗五升有奇

嘉慶二十年安徽各州縣被水旱較重之蒙城懷遠鳳

陽盱眙天長全椒來安等十八州縣並泗州衛成災七

八九分極次貧民及成災六分之極貧戶口加振一月

省志

嘉慶二十二年以上年安徽省宿州靈璧懷遠盱眙四

州縣有田業而力難耕種者量子借給籽種所需口糧

籽種均著以銀折給各衛貧乏戶口悉照坐落州縣一

律常給又安徽省因夏秋間山水陡發淮湖並漲兼之

江境啟放牘壩減黃下注五河泗州等州縣衛窪地被

淹災歉輕重不等查明極貧戶口一律給振省志

嘉慶二十三年十二月乙亥 諭各省節年正耗民欠

及因災緩徵帶徵銀穀著各督撫詳細查明速奏以次

豁免東華續錄 姚瑩識小錄是年 萬壽 恩詔普免天下積欠錢糧安徽欠三百萬

嘉慶二十四年 諭安徽省自嘉慶元年起至二十二

年止民欠熟田項下地丁起存驛站省衛外衛蘆課屯

衛米麥豆折漕項學租等款正耗銀五十一萬四千六

十五兩零行月南米三千三百八十石零因災帶緩項

下地丁起存驛站省衛外衛蘆課屯衛米麥豆折漕項

學租借領俸工驛站等款正耗銀三百八十三萬三千

七十五兩零漕南兵屯米麥四十三萬五千九百四十

五石零社穀黃豆一萬九千七百一十六石零俱著全

行豁免又 諭本年六旬萬壽普免天下積欠銀糧省志

嘉慶二十五年以上年安徽省亳州等州縣被淹分別

蠲緩振卹將原報被淹較輕之鳳陽泗州盱眙各府州

縣乏食軍民俱加賞一月口糧又蠲免鳳泗州等屬丁

地等銀一萬九千三百四十三兩有奇米二百三十七

石五斗七升有奇麥七十四石四斗有奇省志

道光二年十二月庚申免江蘇安徽嘉慶二十三年以

前民欠攤徵銀三十三萬三千六百餘兩東華續錄

道光三年 諭安徽省宿州等州縣被水被旱分別蠲

緩振卹將本年成災之鳳陽各州縣及勘不成災之盱

眙各州縣乏食貧民賞給一月口糧並照成災分數按

分蠲免盱眙天長等二十四州縣應徵本年錢糧是年

蠲免安慶泗州等九府州丁地起存等銀一十五萬二

千二百八十五兩三錢五分有奇米四千六百六石五

斗七升有奇麥一十六石九斗二升有奇省志

道光五年十月振安徽壽州等二十州縣水災旱災新

舊額賦東華續錄省志是年因安徽省盱眙天長等

縣境接近高堰隄工塌卸猝被水淹著賞給一

月口糧屯坐泗州衛饑軍一律辦理

道光六年十月給安徽宿州等八州縣衛被災口糧緩

徵安徽宿州等二十四州縣衛災民新舊額賦東華續錄省

志是年十月蠲免盱眙縣被水較重之六十堡應徵本年各項錢

糧並各年災緩舊欠各項錢糧銀米俱緩至道光八年

秋成後啟徵省志

道光八年十月振安徽泗州等二十六州縣水災旱災

一月口糧蠲緩安徽泗州二十六州縣新舊額賦東華續錄

道光九年正月給安徽泗州等五州縣並屯坐衛災民

口糧十月給安徽泗州等五州縣衛一月口糧緩徵安

徽泗州等二十四州縣衛水災旱災新舊額賦東華續錄

道光十年正月振盱眙等六州縣衛水災東華續錄

道光十一年十月將安徽被水旱災五六七八九分之

無為巢縣盱眙等二十三州縣及屯坐各衛災民災軍

按照成災分數分別給振應徵本年民衛丁驛屯折本

色米麥豆折蘆課省外衛等項錢糧照成災分數按分

蠲免省志

道光十二年九月蠲緩安徽五河等二十九州縣衛新

舊漕糧額賦東華續錄省志是年因上年安徽省懷甯等州縣衛被水被旱分別蠲振將本年

成災之泗州五河盱眙等州縣各堡貧民並屯坐各衛饑民加賞一月口糧

道光十三年十月給安徽懷遠等六縣災民口糧緩徵

安徽懷甯等四十一州縣衛雹災水災旱災新舊額賦

十二月振安徽銅陵等十七州縣水旱災東華續錄省志是年蠲

免當塗盱眙等十二縣應徵本年民衛等項錢糧並照成災分數分別給振加賞口糧

道光十四年安徽所屬勘不成災之懷甯泗州盱眙天

長等二十五州縣本年應徵新舊地丁各項錢糧南屯

米緩至來年秋成後啟徵省志

道光十五年十月緩徵安徽懷甯等三十六州縣衛被

災新舊額賦東華續錄

道光十六年十月緩徵安徽壽州等二十州縣衛新舊

額賦東華續錄

道光十七年十月緩徵安徽泗州等三十七州縣被災

新舊額賦東華續錄省志是年安徽省被水受旱各州縣勘不成災之甯國績溪泗州盱眙天長

等十八州縣秋成後起徵

道光十八年十月蠲緩安徽壽州等三十四州縣衛被

災新舊額賦東華續錄省志是年安徽省勘不成災之懷甯泗州盱眙天長等十六州縣及屯

坐各衛本年應徵新舊等款錢糧均緩至十九年秋成後起徵

道光十九年十月振安徽無為等十一州縣及屯坐各

衛水災並蠲緩安徽無為等三十二州縣水災新舊額

賦東華續錄

道光二十年正月振安徽泗州等七州縣衛災民給安

徽泗州等十六州縣衛災歉口糧十月緩徵安徽壽州

等四十九州縣衛水旱災歉新舊正雜賦課東華續錄泗虹志

是年泗州盱眙等二十八州縣及泗州長淮等七衛被水被旱田地應徵本年新賦並十九年以前舊欠各款

銀米均緩至二十一年秋後起徵

道光二十一年十月振安徽和州等三十州縣被災新

舊正雜額賦東華續錄

道光二十二年十月蠲緩安徽無為等四十一州縣衛

蟲災雹災水旱災新舊額賦東華續錄

道光二十三年九月蠲緩安徽泗州等三十七州縣衛

被災新舊正雜額賦東華續錄

道光二十四年十月緩徵安徽無為等三十八州縣衛

水災旱災雹災新舊額賦東華續錄

道光二十五年九月緩徵安徽無為等三十五州縣衛

被水被旱新舊額賦東華續錄

道光二十六年九月緩徵安徽壽州等四十州縣衛被

災額賦東華續錄

道光二十七年十月蠲緩安徽泗州等三十九州縣水

旱災新舊額賦東華續錄省志是年蠲免成災之鳳

應徵本年漕糧漕項銀米

道光二十八年十月振安徽無為等十六州縣水災給

安徽和州等十四州縣災民口糧蠲緩安徽泗州等二

十四州縣被災新舊額賦東華續錄

道光二十九年正月加振安徽無為等十六州縣衛水

災給安徽和州等十三州縣水災口糧東華續錄

道光三十年十月安徽省屬勘不成災之泗州盱眙天

長五河建平等三十七州縣並屯坐各衛被水受旱田

地應徵新舊錢糧各項銀米一律分別緩帶以紓民力

省志 按咸豐二年冬淮北饑民數百人過淮至邑境乞食臨淮富人胡藜光捐設粥場以振

咸豐六年正月以安徽鳳陽等府州屬田地被水旱兼有被賊竄擾之處收成歉薄所有泗州盱眙天長滁州等十六州縣及屯坐各衛應徵五年新賦四年蠲剩初限銀米節年舊欠等款均著緩至本年麥熟秋後啟徵十二月以安徽鳳穎等府州縣衛成災之定遠五河等縣並勘不成災之潁上懷遠盱眙滁州全椒等州縣應徵新漕銀米通境全緩

省志 按是年大旱尺地千里飛蝗際天皖省逆捻交訌邑境

棚匪竊發地方大吏無暇為撫卹計邑紳吳棠倡捐在西南鄉一帶振饑民明光集富人胡寶庭捐款最鉅存

活尤多是年冬斗米錢六

百明年春則斗米千錢

咸豐八年二月以咸豐七年皖省各州縣被水受旱所有成災及勘不成災之各州縣漕糧分別蠲緩靈璧太和盱眙天長四縣成熟田畝及災堡內熟田剔徵新賦餘均緩徵

省志

咸豐十一年十二月安徽失陷郡縣明年錢糧漕米一

概蠲免

省志

同治三年七月豁免安徽所屬道光二十年前請豁未給地丁蘆課等銀三百五十五萬九千二百九兩零米麥十三萬四千二百四十八石零所有道光三十年前災緩未完地丁蘆課等銀三百六十二萬六千六百三

十八兩零米麥十四萬四千一百四十五石零著加恩一概豁免毋庸照常造冊致多窒礙其元年以後積欠及各州縣因軍務延擱礙難徵收正雜各款截至克復之日止著分別查明彙奏請豁雜稅一項向來不入豁免之例惟積時已久官非一任若仍准其流抵交代日積一日膠轕不清總歸無著所有安徽藩司所屬乾隆五十八年起至道光三十年止未完雜稅正耗銀二十六萬三千九百六兩零著准其一併豁銷其咸豐元年以後雜稅積欠及因軍務礙難徵收之各府州縣截至克復之日為止仍分別確查彙奏請豁

省志

同治四年 諭安徽省城用兵十餘年各屬被害甚重除咸豐九年以前安徽省民欠錢糧漕米已豁免外所有鳳陽臨淮並盱眙天長等十六州縣自咸豐十年起至同治二年止一應民欠正雜錢糧銀米麥著概行蠲

免

省志

同治五年十月 諭安徽各屬地方前被賊匪蹂躪元氣猶未全復本年山河淮湖盛漲皖北水災為從來所罕見所有壽州鳳陽懷遠盱眙滁州來安等十州縣均著豁免同治四五年各款銀米

省志

同治九年十二月 諭安徽各屬被災之無為東流盱

目時縣志卷之十五
四
昭天長等三十五州縣歉收田地新舊漕糧均著緩至

同治十年秋收後分別啟徵

省志

同治十年十一月初七日 諭安徽各屬勘不成災之

五河懷遠靈璧盱眙等二十七州縣歉收田地新舊漕

糧均著分別緩征並著將本年丁漕等款銀米剔熟徵

收

同治十一年九月豁免各直省民欠錢糧

省志

十一月十

五日 諭安徽所有被水較重之泗州同勘不成災之

盱眙望江等二十八州縣歉收田地新舊漕糧均著分

別緩征並著將本年丁漕等款銀米剔熟徵收

同治十二年十一月十六日 諭安徽所有被水受旱

較重之天長泗州舊虹鄉通境新舊漕糧同勘不成災

之定遠盱眙五河壽州等二十七州縣歉收田地新舊

漕糧均著分別緩徵並將本年丁漕等款銀米剔熟徵

收

同治十三年十一月十四日 諭安徽所有被水較重

之泗州虹鄉通境同勘不成災之靈璧霍邱盱眙天長

五河等二十七州縣歉收田地新舊漕糧著分別緩徵

光緒元年蠲免各直省民欠錢糧

省志

十一月初六日

諭安徽所有被災較重之泗州盱眙天長等州縣著將

本年丁漕等款銀米別熟徵

光緒二年十一月初三日 諭安徽所有被災較重之
盱眙天長二縣通境下忙應徵糧賦著新舊並緩

光緒三年十一月初六日 諭安徽所有靈璧亳州泗

州天長盱眙鳳陽等三十三州縣著將本年丁漕等款
銀米別熟徵收

光緒五年 諭安徽歷被水旱災傷各州縣自同治十
一年起至光緒五年止從前積欠丁地漕項糧米雜稅
各款銀概行豁免

泗虹志

十一月初一日

諭安徽所有

泗州鳳陽盱眙天長等三十州縣著將本年丁漕等款

銀米別熟徵收

光緒七年十月十八日 諭安徽所有定遠盱眙霍邱
五河天長等一十八州縣著將本年丁漕等款銀米別
熟徵收

光緒十年十一月初八日 諭安徽所有被水受旱輕
重不等之泗州五河盱眙天長等三十六州縣著將本
年丁漕蘆課等款銀米別熟徵收並新舊漕糧及歷年
災緩舊欠漕米著分別緩徵

光緒十三年十一月十五日 諭安徽所有被水之盱
眙五河等三十一州縣歉收田畝新舊漕糧及歷年災

目時縣志卷十五
三
緩舊欠漕米均著分別緩徵

光緒十六年因災歉兩江總督頒發振銀四千兩安徽
巡撫振銀四千兩是年四月十四日火災兩江總督頒
發振卹銀三千兩鳳潁六泗道振銀七百兩

補遺

宋真宗大中祥符六年夏四月庚辰詔淮南給饑民粥

麥登乃止宋史

大中祥符六年五月丙午詔淮南災傷處去年秋稅並

蠲之續通鑑長編

徽宗宣和元年十一月戊辰以淮甸旱饑民失業遣監

察御史察訪是歲淮東大旱遣官振濟宋史

宣和三年淮南饑遣官振濟宋史

孝宗乾道元年二月乙酉遣官檢察兩淮州縣振濟饑

民宋史孝宗紀

嘉慶四年九月戊午以江南洪澤湖決命截留徐州屬

七州縣漕糧備振續錄

東華續錄



